



Dato: 15. februar 2023  
Kontor: Nordatlantkontoret  
Sagsbeh: Astrid Boesen  
Sagsnr.: 2022-490-0337  
Dok.: 2736971

**Kalaallit Nunaanni eqqartuussisarnermik inatsisip allangortinneqarnissaanut inatsisissatut siunnersuut**

(Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaannut piginnaatitaanera il. il.)

**§ 1**

Kalaallit Nunaanni eqqartuussisarnermi inatsimmi, tak. inatsimmut nalunaarut nr. 1581, 13. december 2016-imeersoq, kingullermik allangortinneqartoq inatsisikkut nr. 572, 10. maj 2022-meersukkut, makkuninnga allanguisoqassaaq:

**1.** § 62 g-p kingornatigut ikkunneqassaaq:

»§ **62 h.** Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaanni eqqartuussivinni pinerluutininik paasiniaasarnermik isumaginninneq pinerlunnikkullu eqqartuussisutigit malersuineq, unioqqutitsinerup peqqutissaqarluartutut isigineqarnerani annertusaanertigut, aqqissuussamik pinerluuteqarnermut atassuteqartumut, nunani allani eqqartuussisarnermi oqartussaqaarfinnik pisariusumik suleqateqarnermik malitseqartumut, namminersuutigisamik periuseqar-nikkut pinerluuteqarnermut, allatigulluunniit pinerluummut

piginnaaneqarfigisatut isikkulimmik pinerluutigisimasat Kalaallit Nunaat sinnerlugu isumagisarivai. Pinerluttulerinermik inatsimmi § 26 malillugu suliat 1. imm.-mi ilaatinneqartutut isigineqarput, imaassimannigippat suliaq Politiit immikkut paasiniaasartuinit suliarineqartoq.

*Imm. 2.* Justitsministeri tamatumunnga malittarisassanik aalajangersaasinnaavoq, imm. 1-mi pinerloriaatsit sorliit pineqarnerinik, aammalu pinerluummik paasiniaanermi pinerluutillu eqqartuussisutigut malersorneqarnerisigut sutigut piumasagaatitaqarnerinik, Kalaallit Nunaata Politiiviniit suliamik ingerlatsisoqassatillugu.

**§ 62 i.** Pisortanit nunat tamat iliuuseqarnissamut suleqatigiinneq, danskit eqqartuussisarnermi inatsisaanni § 110 b, imm. 1, malillugu pilersineqartoq, pinerlunnikkut aningaasarsianik malunnarunnaarsaanerup, qunusiarinninnermullu aningaasalersuineranut allanullu pinerluutitut akiuinissamut, imm. 8 malillugu aalajangersarneqartoq, Kalaallit Nunaanni aamma atuuppoq.

*Imm. 2.* Aningaasarsianik malunnarunnaarsitsiniarnermut, qunusiarinninnermullu aningaasalersuineq akiorniarlugit pinaveersaartitsineranut inatsit, kunngip peqqusutaatigut Kalaallit Nunaannut atuutilersineqartoq, naapertorlugu nakkutilliinnermut oqartussaqaarfiit kiisalu Kalaallit Nunaanni ilanngaaserinnermut akileraartarnermullu oqartussaqaarfik suleqatigiinnermut peqataapput, tak. imm. 1. Pinerlunnernut Immikkut Isigisarialinnut Nuna tamakkerlugu Immikkoortortap, oqartussaqaarfiit allat 1. imm.-mi taaneqanngitsut, aamma suliffeqaarfiit aammalu inuit aningaasarsianik malunnarunnaarsitsisarneq aamma, peqqarniisaarniarneranut aningaasalersuisarneq pitsaaliorniarlugit pineqaatissiisarneq pillugu inatsimmi, Kalaallit Nunaannut kunngip peqqusutaatigut atuutilersinneqartumi, § 1-imi ilaatinneqartut suleqatigiinnermut peqataasinnaanerat pillugu aalajangiisinnaavoq. Eqqartuussisuserisut, tak. aningaasarsianik malunnarunnaarsaarneq aamma peqqarniisaarniarneranut aningaasalersuisarneq pitsaaliorniarlugit pineqaatissiisarneq pillugu inatsimmi, Kalaallit Nunaannut kunngip peqqusutaatigut atuutilersinneqartumi, § 1, imm. 1, nr. 14, suleqatigiinnermut peqataasinnaanngillat.

*Imm. 3.* Oqartussa qarfiit imm. 1-imi 2-milu taaneqartut, inatsisitigut allatigut nipangiussimasussaataaneq atuutsinneqartoq pineqaralu-arpalluunnit, oqartussaaffe qarfinnut, suliffe qarfinnut inuinnarnullu paasissutissanik ingerlatitseqqiisoqarsinnaavoq, suleqatigiinnermi peqataasunut, tak. imm. 1, paasissutissat aningaasarsianik malunnarunnaarsitsinermut, qunusiarinninnermullu aningaasalersuiner-mut, pinerluutinullu allanut suli-ami pinaveersaartitsinerup ineriartortinneqarnera-nut paasissutissat tiguneqartut iluaqutaasoritinneqarpata, imm. 8-mi aajangersarneqartutut.

*Imm. 4.* Suliffe qarfiit aammalu inuit aningaasarsianik malunnarunnaarsitsisarneq aamma, peqqarniisaarniarnernut aningaasalersuisarneq pitsaaliorniarlugit pineqaatissiisarneq pillugu inatsimmi, Kalaallit Nuna-annut kunngip peqqusutaatigut atuutilersinneqartumi, § 1-mi ilaatinneqartut, suliffe qarfiit aningaasarsi-ormer-mik ingerlataqartut pillugit inatsimmi Kalaallit Nunaannut kunngip peqqussutaatigut atuutilersinneqartumi, § 117, imm. 1 aamma kukkuner-siuisut naalagaaffimmit akuerisat aamma nalunaarsugaasut pillugit inatsimmi kunngip peqqusutaatigut atuutilersinneqartumi, § 26 apeqqutaatinnagit, pisorta qarfinnut, suliffe qarfinnut aammalu inunnut suleqatigiinnermut peqataasunut paasissutissanik ingerlateqqiisinnapput, tak. imm. 1, paasissutissat suli-anut aningaasarsianik malunnarunnaarsitsinermut qunusiarinninnermullu aningaasalersuiner-mut, pinerluutinullu allanut akiuiniarnermut suliniummut paasissutissat iluaqutaassappata imm. 8-tut aalajangersarneqartutut.

*Imm. 5.* Suliniummik ingerlatsinermi inuit suleqatigiinnermi peqataasut, tak. imm. 1, pinerlunnermi inatsisini § 50-54-mi akisussaaffiligaapput, suleqatigiissuteqarnermut tunngassuteqartunik tigusaqarnermi paasissutissanik isertuussinissamik pisussaaffiligaallutik, tak. imm. 7.

*Imm. 6.* Imm. 5-mi nipangiussimasussaataaneq aamma atuuppoq, paasissutissanik tiguneqartunik inatsilerituunulluunniit ingerlatitseqqiinnikkut, paasissutissat ilaatigut eqqartuussinernut

attuumassuteqarsinnaasut, pineqartumut paasissutissat, inatsiseqarnermut allamut tunngasuugaluarpataluunniit, tak. imm. 7.

*Imm. 7.* Paasissutissat imm. 5-mi pineqartut, oqartussaassuseqartumiit tunniunneqarsimasut akuersineratigullu tiguisumut suliarineqarnissaanik pisinnaatitaasumut tunniunneqarsinnaapput. Akuersissutigineqarsimappat, nalinginnaasumik malittarisassaniippoq tiguisinnaanermik atuutsinneqartumik, imm. 5 aamma 6 malillugit nutaamik atuutilerseqqissinnaannginneranik.

Imm. 2 naapertorlugu, suliffeqarfiit inuinnaallu sulissuteqarnermut peqataasut, tak. imm. 1, oqartussaasumiit akuerineqarnikkut paasissutissanik tunniussisimasut, imm. 5 atorlugu, aningaasarsianik malunnarunnaarsitsiniaanermut, qunusiarinninnermullu aningaasalersuinerumut, pinerluutinullu allanut pinaveersaartitsinerumut suliniutiminnik ilanngutsitsisinnaapput, imm. 8 malillugu atuutsinneqartumi.

*Imm. 8.* Justitsministeri tamatumunnga malittarisassanik erseqqinnerusunik aalajangersaasinnaavoq, suleqatigiinnermi pinerluutitut allanut, aningaasarsianik malunnarunnaarsitsiniaanerup, qunusiarinninnermullu aningaasalersuinerup aavataatigut, pinerluttulerinnermi suliaqarfik; Pinerlunnernut Immikkut Isigisarialinnut Nuna tamakkerlugu Immikkoortortamut ilaatinneqarpat, tak. § 62 h.«

## § 2

Inatsit atuutilersinneqassaaq ulloq [...]

*Inatsisissatut siunnersuummut oqaaseqaatit*

*Oqaaseqaatit nalinginnaasut*

## Imarisai

### 1. Aallaqqaasiut

### 2. Inatsisissatut siunnersuutip immikkoortui pingaarnerit

#### 2.1. Pinerlunnernut Immikkut Isigisarialinnut Nuna Tamakkerlugu Immikkoortorta

##### 2.1.1. Inatsisit atuuttut

###### 2.1.1.1. Politiit aamma unnerluussisussaataasut pillugit aaqqissuussaanermut aalajangersakkat

###### 2.1.1.2. Danmarkimi aamma Kalaallit Nunaanni pillaatissartalinnik aamma pinerluttulerinermi sulianik pisariunerpaanik suliarinninneq

##### 2.1.2. Jusititsministeriap isumaliuutersuutai

##### 2.1.3. Aaqqissuussineq siunnersuutigineqartoq

#### 2.2. Aningaasarsianik malunnaruunnaarsaasernerup il. il. akiorneqarnerinik nukittorsaaneq

##### 2.2.1. Aningaasarsianik malunnarunnaarsaasarneq aamma peqqarniisaarniarnernut aningaasalersuisarneq akiorniarlugit oqartussa qarfiit, suliffe qarfiit toqqakkat aamma inuit akornanni suleqatigiinneq

###### 2.2.1.1. Inatsisit atuuttut

###### 2.2.1.2. Justitsministeriap isumaliuutersuutai

###### 2.2.1.3. Aaqqissuussineq siunnersuutigineqartoq

###### 2.2.1.3.1. Kalaallit Nunaat pillugu suleqatigiinneq

2.2.1.3.2. Oqartussa qarfiit suleqatigiinnermut paasissutissanik ingerlatitseqqiisarnerat

2.2.1.3.3. Suliffe qarfiit aamma inuit suleqatigiinnermut paasissutissanik ingerlatitseqqiisarnerat

2.2.1.3.4. Oqartussa qarfiit nipangiussisimasussaataanerat

2.2.1.3.5. Suliffe qarfiit aamma inuit nipangiussisimasussaataanerat

2.2.1.3.6. Justitsministerip aningaasarsianik malunnarunnaarsaarneq aamma peqqarniisaarniarnernut aningaasalersuisarneq pillugit sulianit allaanerusunik suleqatigiinnerup suliassanik ingerlatsinera pillugu malittarisassanik aalajangersaanissamut piginnaatitaanera

3. Datanik illersuineq pillugu malittarisassanut tunngasut

4. Pisortat aningaasaqarnerannut aamma atuutilersitsinerup kinguneri

5. Inuussutissarsiortut il. il. aningaasaqarnerinut aamma allaffissornerinut kinguneri

6. Innuttaasunut allaffissornikkut kinguneri

7. Silap pissusianut tunngasut kinguneri

8. Avatangiisinut aamma pinngortitamut tunngasut kinguneri

9. EU-mi inatsiseqarnermut tunngasut

10. Oqartussa qarfiit aamma kattuffiit il. il. tusarniaavigineqartut

11. Skema eqikkagaq



## 1. Aallaqqaasiut

Danskit naalackersuisuisa Naalackersuisut peqatigalugit Kalaallit Nunaanni susassa qarfiit danskit aksussaaffigisaat ineriartortikkusuppaat. Danskit naalackersuisuisa Kalaallit Nunaat peqatigalugu susassa qarfiit danskit akisussaaffigisaasa Danmarkimi pissutsinut nalinginnaasunut tunngasunut malinnaanissaat suliniutigerusuppaat, Danmarkip aamma Kalaallit Nunaata akornanni pissutsit immikkut ittut aamma aasigiinngissutsit ataqqillugit. Tamatuma saniatigut danskit naalackersuisuisa pingaarnersiullutik susassa qarfinni danskit akisussaaffigisaanni inatsisit ataavartumik nutarterneqartarnissaat isumagerusuppaat.

Politiit aamma unnerluussisussaataaasut aningaasaqarnerat pillugu isumaqatigiissut 2021-2023 aallaavigalugu, Pinerlunnernut Immikkut Isigisarialinnut Nuna tamakkerlugu Immikkoortortaq Danmarkimi pilersinneqarpoq inatsisikkut nr. 2601, 28. december 2021-meersukkut. Taamaaliornikkut potiteeqarnikkut aamma unnerluussisoqarnikkut piginnaasat immikkut illuinnartut immikkoortortami ataatsimi ataatsimoortinneqalerput. Taamaaqataanik naalagaaffiup unnerluussisuanik nutaamik, Immikkut Pinerluuteqarneq pillugu Naalagaaffiup Unnerluussisuanik pilersitsisoqarpoq, ilaatigut immikkoortortap pillaatissartalinnik pisariusunik suliaqartarneranik nakkutilliisussamik. Pinerlunnernut Immikkut Isigisarialinnut Nuna Tamakkerlugu Immikkoortortap suliat isumalluutitigut oqimaannerpaat ilaat aamma pisariunerpaat ilaat paasiniartarpai aamma pillaatissartalimmik malersortarpai, tunngavissaqarluartillugu, unioqqutitsinerup immikkoorutilimmik annertussuseqarnera, aaqqissuussaasumik pinerlunniaqatigiinnermut attuumassuteqartut, nunani allani inatsisinik malitsitsilluni oqartussa qarfimmik pisariusumik suleqateqarnermik malitseqartut, immikkuullarissumik periutsinik atuinikkut ingerlanneqarsimasut imaluunniit allatut immikkuullarissuseqartut.

Aammattaaq isumaqatigiissut aallaavigalugu Pinerlunnernut Immikkut Isigisarialinnut Nuna tamakkerlugu Immikkoortortap aaqqissugaaneranut ilaasutut, aningaasarsianik malunnarunnaarsaasarneq aamma



peqqarniisaarniarnernut aningaasalersuisarneq aamma pinerloriaatsit allat akiorniarlugit suleqatigiinneq pilersinneqarpoq. Suleqatigiinneq pingaarneertut poliitinit nakkutilliinermut oqartussanit, aningaasarsianik malunnarunnaarsaasarneq aamma peqqarniisaarniarnernut aningaasalersuisarneq pitsaaliorniarlugit pineqaatissiisarneq pillugu inatsit naapertorlugu (aningaasarsianik malunnarunnaarsaasarneq pillugu Danmarkimut inatsit, tak. inatsimmut nalunaarut nr. 316, 11. marts 2022-meersoq, kiisalu Danmarkimi akitsuuserinermut aamma akileraartanermut pisortaqarfinnit tunngaveqarpoq. Tamatuma saniatigut periarfissaavoq, suliffeqarfiit aamma inuit ilaat aningaasarsianik malunnarunnaarsaasarneq pillugu Danmarkimut inatsimmi §1-imi ilaatinneqartut, suleqatigiinnermut peqataanissaat.

Kalaallit Nunaanni inuiaqatigiit Danmarkimisuulli sullinneqarnerisa isumannaarneqarnissaa siunertaralugu, Kalaallit Nunaanni eqqartuussisarnermi inatsisip allanngortinneqarnissaa pisariaqarpoq, taamaalilluni Pinerlunnernut Immikkut Isigisarialinnut Nuna tamakkerlugu Immikkoortortaq aammalu tamatumani suleqatigiinneq Kalaallit Nunaanni ingerlanneqarsinnaanngoqqullugit, allannguutit Kalaallit Nunaannut pissutsinut naapertuuttut ilanngullugit. Taamalilluni inatsisissatut siunnersuutip siunertarivaa, Pinerlunnernut Immikkut Isigisarialinnut Nuna tamakkerlugu Immikkoortortaq aammalu tamatumani suleqatigiinneq piginnaatitaallisatut Kalaallit Nunaanni aammalu Kalaallit Nunaannut ingerlanneqarsinnaanerisa isumannaarneqarnissaa.

Inatsisissatut siunnersuummut ilutigitillugu Justitsministeria pillaaasarnermik inatsisip, eqqartuussisarnermi inatsisip, aningaasarsianik malunnarunnaarsaasarneq pillugu inatsisip aamma inatsisit allat assigiinngitsut allanngotinneqarnissaannut inatsisip immikkoortui attuumassuteqartut atuutilersinneqarnissaannut kunngip peqqussutaanut missingiummik suliaqarsimavoq. Tamatumani ilaatinneqarput aningaasarsianik malunnarunnaarsaasarneq aamma peqqarniisaarniarnernut aningaasalersuisarneq pitsaaliorniarlugit pineqaatissiisarneq pillugu inatsimmi nr. 651, 8. juni 2017-imeersumi, peqqussutikkut nr. 956, 17. maj

2021-meersukkut Kalaallit Nunaannut atuutilersinneqartoq, kingullermik allanngortinneqartoq peqqussutikkut nr. 2627, 28. december 2021-meersukkut (aningaasarsianik malunnarunnaarsaasarneq pillugu inatsit), kinguneqaataasumik allannguutit kiisalu aningaasarsianik malunnarunnaarsaaneq pillugu Hvidvasksekretariatetimit nuussinerit annertuut imaluunniit immikkut pasinartut pillugit nalunaarutiginnittarnermut fast track-imik (sukkanerusumik) aaqqissuussinermik pilersitsineq. Aammattaaq siunnersuutigineqarpoq aningaasarsianik malunnarunnaarsaasarneq pillugu inatsimmi § 26 malillugu paasissutissanik nalunaarutiginnittarnermut tunngatillugu pisortat oqartussa qarfiini atorfilittanut tamanut nipangiussisimasussaataitaanerup annertusineqarnissaa.

## **2. Inatsisissatut siunnersuutip immikkoortui pingaarnerit**

### **2.1. Pinerlunnernut Immikkut Isigisarialinnut Nuna tamakkerlugu Immikkoortortaq**

#### *2.1.1. Inatsisit atuuttut*

##### *2.1.1.1. Kalaallit Nunaanni Politiit aamma unnerluussisussaataitaasut pillugit aaqqissuussaanermut aalajangersakkat*

Politiit aamma unnerluussisussaataitaasut Kalaallit Nunaanni aaqqissuussaaneri aamma atuuffii pillugit aalajangersakkat qitiusut Kalaallit Nunaanni eqqartuussisarnermi inatsimmi kapitali 3-mi nassaassaapput (§§ 61-62 g).

Inatsisikkut nr. 572, 10. maj 2022-meersukkut politiit aamma unnerluussisussaataitaasut Kalaallit Nunaanni piffissami nutaajunerusumi atugassarititaat naammassineqarput, aammalu tassunga atatillugu Kalaallit Nunaanni Politiit naalagaaffimmi politeeqarfinnut allanut naligiissinneqarput. Inatsit ulloq 1. juli 2022 atuutilerpoq eqqartuussisarnermi inatsimmi ilaatigut kapitali 3-mi aalajangersakkat ilanngunnagit, 1. januar 2023 atuutilersinneqartut. Inatsisitigut naalagaaffiup eqqartuussisuserisooriigai suliassanut akisussaalerput,

naalagaaffiup eqqartuussisuserisuisa politeeqarfinnut allanut tunngatillugu isumagisaannut, kisianni Kalaallit Nunaanni politiinut tunngatillugu Naalagaaffiup unnerluussisuata isumagisimasaanut. Tamatuma malitsigivaa, naalagaaffiup eqqartuussisuserisui tassaasut Kalaallit Nunaanni pisortat unnerluussisuisa ilaat. Naalagaaffiup eqqartuussisuserisui Naalagaaffiup unnerluussisuata ataaniipput aammalu Kalaallit Nunaanni politiit pisortaata qulaaniillutik.

Københavnnimi naalagaaffiup eqqartuussisuserisua Kalaallit Nunaannut Politiinut tunngatillugu suliassat isumagivai, tak. naalagaaffiup eqqartuussisuserisuisa akornanni suliassanik agguataarineq pillugu Kalaallit Nunaannut nalunaarut nr. 1557, 19. december 2022-meersoq.

Kalaallit Nunaanni Politiit politeeqarfiuvoq ataaseq, politiit pisortaannit aqunneqartoq, tak. eqqartuussisarnermi inatsimmi § 62 b.

Eqqartuussisarnermi inatsisit § 61 naapertorlugu, pisortat unnerluussisui tassaapput Naalagaaffiup unnerluussisua, naalagaaffiup eqqartuussisuserisui, politiit pisortaata kiisalu taaneqareersunut pinerlunnikkut sulianik eqqartuussivitsigoortitsinikkut illersuisussatut isigineqartut.

§ 61 h, imm. 1, malillugu politiit pisortaata aamma pisortat unnerluussisui, tassani atorfillit, aamma atorfillit allat, matumunnga piginnaatitaasut, eqqartuussisoqarfinni, Kalaallit Nunaanni Eqqartuussiviani aamma Nunatta eqqartuussisuuneqarfiani pinerluttulerinermik sulianik isumaginnittuupput, taamaattoq tak. § 61 e, imm. 1. aamma § 61 g, imm. 2. Naalagaaffiup unnerluussisuata pisuni immikkoorluinnaq ittuni aalajangersinnaavaa, pinerluttulerinermik suliap naammassineqarnissaa naalagaaffiup unnerluussisuanit isumagineqassasoq.

Tamatuma saniatigut inatsisissatut siunnersuummi nr. L 126, 10. maj 2022-meersumi eqqartuussisarnermi inatsimmi kapitali 3-mi oqaaseqaatinut innersuussisoqarpoq, tak. Folketingstidende 2021-22, A, L 126, qupp. 15 ff aamma 71 ff.

*2.1.1.2. Danmarkimi aamma Kalaallit Nunaanni pillaatissartalinnik aamma pinerluttulerinermi sulianik pisariunerpaanik suliarinnineq*

Immikkut Pinerluuteqarneq aamma Nunarsuarmi Pinerlunnerit pillugit Naalagaaffiup Unnerluussisuata matuneqarnissani tikillugu Danmarkimi aningaasarsiornikkut pinerlunnerit pillugit suliat pillaatissartallit pisariunerpaat isumagisarivai.

Immikkut Pinerluuteqarneq aamma Nunarsuarmi Pinerlunnerit pillugit Naalagaaffiup Unnerluussisua Kalaallit Nunaanni piginnaatinneqarsimanngilaq, tassa Kalaallit Nunaata Politiivisa - suli atuuttumik - suliassat taamaattut Kalaallit Nunaanni isumagisarivai.

Danmarkimi politiit aamma unnerluussisussaataasut aningaasaqarnerat pillugu 2021-2023-mut isumaqatigiissutikkut aalajangerneqarpoq, politiit aamma unnerluussisussaataasut ineriartorteqqinneqarnerinut atatillugu Pinerlunnernut Immikkut Isigisarialinnut Nuna tamakkerlugu Immikkoortortamik nutaamik pilersitsinissaq, tassani politiini aamma unnerluussisarnermi piginnaasat immikkuullarinnarsaat ataatsimoortinneqassallutik immikkoortortamilu ataatsimi katersorneqarlutik. 1. januar 2022-miit atuutilersumik Danmarkimi Pinerlunnernut Immikkut Isigisarialinnut Nuna Tamakkerlugu Immikkoortortaq pilersinneqarpoq inatsisikkut nr. 2601, 28. december 2021-meersukkut. Tassunga atatillugu Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaanni ingerlanneqarnissaanut piginnaatitsissummik tunniussisoqanngilaq.

Pinerlunnernut Immikkut Isigisarialinnut Nuna Tamakkerlugu Immikkoortortaq aaqqissuussaavoq, qaffasissusaa Danmarkimi politeeqarfiit naligalugit qaffasissuseqarluni, nammineq unnerluussisussaataasoqarluni, nuna tamakkerlugu sulianik pisariusunik isumaginninnissamut piginnaatitaalluni. Immikkoortortap suliat isumalluutitut tunngatillugu oqimaannerpaat aamma pisariunerpaat ilaat misissortarpaat aamma pillaatissartalimmik

malersortarpaat, tunngavissalimmik ilimagineqaraangat, unioqqutitsineq mikinnngitsumik annertussuseqartoq, aaqqissuussaasumik pinerlunnermut attuumassuteqartunik, nunani allani eqqarsuussisarnermi oqartussaasunik pisariusumik suleqateqarnermik malitseqartumik, periutsit immikkoorutillit atorlugit ingerlanneqarsimasunik imaluunniit allatut immikkooruteqarluinnartunik. Tamatuma saniatigut immikkoortortap poltiteeqarfiit misissuinerinut ikiuuttarpoq immikkut teknikkikkut suliaqarnikkut aammalu immikkut piginnaasaqarnikkut il. il. Tamatumunnga tunngatillugu oqaaseqaatigineqarpoq, Pinerlunnernut Immikkut Isigisarialinnut Nuna tamakkerlugu Immikkoortortap ullumikkut ikiuussinnaanera Kalaallit Nunaanni politiit politeeqarfimmini misissuineranni.

2021-2023-mut Politiit aamma unnerluussisussatitaasut aningaasaqarneri pillugit isumaqatigiissut aallavigalugu Danmarkimi nutaamik naalagaaffiup unnerluussisuanik pilersitsisoqarpoq, Immikkut Pinerluuteqarneq pillugu Naalagaaffiup Unnerluussisua, Pinerlunnernut Immikkut Isigisarialinnut Nuna tamakkerlugu Immikkoortortap pillaatissartalinnik pisariusunik suliarinninneranik nakkutilliisumik, eqqortitsinermik nakkutilliisumik, immikkortortap suliaasa aqunneqarnerinik aamma ilisserinerinik tunngatillugu ikiuuttumik aammalu nunap eqqartuussisuuneqarfii sinnerlugit suliareqqitassanngortitsinernik ingerlatsisumik, taamaattoq tak. danskit eqqartuussisarnermi inatsisaanni § 101, imm. 3.

Taamaalilluni Immikkut Pinerluuteqarneq pillugu Naalagaaffiup Unnerluussisuata ilaatigut suliassat ilaat Immikkut Pinerluuteqarneq aamma Nunarsuarmi Pinerlunnerit pillugit Naalagaaffiup Unnerluussisuanissimasut tigusimavai.

Pinerlunnernut Immikkut Isigisarialinnut Nuna Tamakkerlugu Immikkoortortami piginnaatitsinerit katersorneqarsimasut, aammalu unnerluussisussaatitaasut ataatsimoorussamik sulianik pillaatissartalinnik pisariusunik ingerlatsisarnerisa eqaatsuunissaa isumannaarniarlugu, Danmarkimi Naalagaaffiup unnerluussisua

piginnaatinneqarpoq Pinerlunnernut Immikkut Isigisarialinnut Nuna tamakkerlugu Immikkoortortamut piginnaatitsinissamut, aalajangersimasumik annertussusilikkamik, eqqartuussivinni sulianut immikkoortortap susassaqarfigisaani pillaatissartalinnut isumaginninnissamut. Tamatuma malitsigivaa, immikkoortortap Danmarkimi eqqartuussisuuneqarfinni suliareqqitassanngortitat ilaannik ingerlatsisinnaanera.

### *2.1.2. Jusititsministeriap isumaliuutersuutai*

Justitsministeria isumaqarpoq, Pinerlunnernut Immikkut Isigisarialinnut Nuna tamakkerlugu Immikkoortortap suliassat Kalaallit Nunaanniittut aamma isumagisariaqarai, immikkoortortap Danmarkimi suliassanik isumaginninnera assigalugu. Tamatumani siunertarineqarpoq, Kalaallit Nunaanni aamma suliassanik immikkoortortap ataaniittunik immikkuullarissunik sunniuteqarluartumik isumaginninnissap isumannaarneqarnissaa aammalu taamaalillutik inuiaqatigiit kalaallit Danmarkisuulli qaffasissusilimmik sullinneqartussanngorlutik, paasiniaanermik aamma pinerluttulerinermi malersuineramik sulianik ingerlatsinermi Pinerlunnernut Immikkut Isigisarialinnut Nuna tamakkerlugu Immikkoortortap ataaniittunik.

Justitsministeria aamma isumaqarpoq, peqqussutit malinneqarsimappata, Kalaallit Nunaanni pissutsit tunngavigalugit, Kalaallit Nunaata politiivinut Pinerlunnernut Immikkut Isigisarialinnut Nuna tamakkerlugu Immikkoortortap sularinninnissamut piginnaatitiaanerani sulianik nuussisinnaatitsisoqartariaqartoq. Matumani tamanna immikkut atuutissaaq, sumiiffimmi immikkut ilisimasaqarneq pingaaruteqarpat.

### *2.1.3. Aaqqissuussineq siunnersuutigineqartoq*

Siunnersuutigineqarpoq, Kalaallit Nunaanni eqqartuussisarnermi inatsisitigut Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaanni suliassanik

suliarinninnermut oqartussaaffilerneqartariaqarnissaanik. Tamanna Kalaallit Nunaannut imatut kinguneqarpoq, Pinerlunnernut Immikkut Isigisarialinnut Nuna tamakkerlugu Immikkoortortaq paasiniaanermik aamma pinerluttulerinermi malersuineramik sulianik Kalaallit Nunaanni eqqartuussivinni isumaginnittussangorluni, suliani unioqqutitsineq immikkut annertussuseqarpat, aaqqissuussamik pinerlunneruppat, nunani allani eqqartuussisarnermi oqartussanik pisariusumik suleqateqarnermik kinguneqartumik, periutsit immikkuullarissut atorlugit imaluunniit allatut immikkut iliuuseqarneruppat. Tamanna paasiniaanernut kisianni aamma eqqartuussivinni pinerluttulerinermi sulianik, Nunatta Eqqartuussiviani, Nunatta eqqartuussisuuneqarfiani isumaginninnermut atuuppoq. Ullumikkut suliassat taamaattut Kalaallit Nunaata politiivisa kisimiillutik isumagivaat.

Aamma siunnersuutigineqarpoq, Justitsministeri pinerlunnerit suut Pinerlunnernut Immikkut Isigisarialinnut Nuna tamakkerlugu Immikkoortortamut ilaatinneqartut aamma paasiniaaneq aammalu pinerluttulerinermi malersuineq sunik piumasqaateqarnikkut taarsiullugu Kalaallit Nunaanni Politiinit isumagineqarsinnaaneranut tunngatillugu malittarisassanik erseqqinnerusunik aalajangersaasinnaasoq. Tamanna immikkut atuutissaaq, suliami aalajangersimasumi sumiiffimmi immikkut ilisimasaqarneq pingaaruteqarpat, tak. § 62 h-mut oqaaseqaatit erseqqinnerusut.

Tamatuma saniatigut inatsisissatut siunnersuummi § 1, nr. 1-imut (§ 62 h aamma § 62 i) innersuussisoqarpoq kiisalu tassunga oqaaseqaatinut.

## **2.2. Aningaasarsianik malunnaruunnaarsaasarnep il. il. akiorneqarnerinik nukittorsaaneq**

*2.2.1. Aningaasarsianik malunnaruunnaarsaasarneq aamma peqqarniisaarniarnernut aningaasalersuisarneq il. il. akiorniarlugit suleqatigiinneq*

*2.2.1.1. Inatsisit atuuttut*

### *2.2.1.1.1. Danmarkimi suleqatigiinneq*

Politiit aamma unnerluussisussaataasut aningaasaqarnerat pillugu isumaqatigiissut 2021-2023 aallaavigalugu inatsisikkut nr. 2601, 28. december 2021-meersukkut – Pinerlunnernut Immikkut Isigisarialinnut Nuna tamakkerlugu Immikkoortortaq aqutsisoralugu – Danmarkimi suleqatigiinnermik pilsersitsisoqarpoq, tassani oqartussaqaarfiit aamma sufilleqaarfiit toqqakkat aammalu inuit attuumassuteqartut aningaasarsianik malunnarunnaarsaasarneq aammalu peqqarniisaarniarnernut aningaasalersuisarneq ingasattoq aamma pisariusoq imaluunniit pinerluttulerinermik suliaqaarfiit allat akiorniarlugit qanimut suleqatigiissinnaallutik danskit eqqartuussisarnermik inatsisaanni § 110 b, imm. 8, malillugu aalajangersakkatut. Tamatumunnga atatillugu inatsisikkut aqutissiuunneqarpoq inatsisitigut tunngavik, taamalillutik suliffeqaarfiit aamma inuit toqqakkat aningaasarsianik malunnarunnaarsaasarneq pillugu Danmarkimut inatsimmi ilaatinneqartut aningaasarsianik malunnarunnaarsaasarnermut aamma peqaarniisaarniarnernut aningaasalersuisarnermut akiuiniarnermi suleqatigiinnermut paasissutissanik isertuussanik ingerlatitseqqiisinnaalerlutik aammalu suleqatigiinnermut peqataasinnaangorlutik. Danskit eqqartuussisarnermi inatsisaanni § 110 b, imm. 2, 1. imm.-mi allaqqavoq nakkutilliinermut oqartussaqaarfiit, aningaasarsianik malunnarunnaarsaasarneq pillugu Danmarkimut inatsit naapertorlugu, kiisalu Danmarkimi akitsuuserinermut aamma akileraartarnermut pisortaqaarfik suleqatigiinnermut peqataanissaat.

Suleqatigiinnerup taamaattup siunertarivaa suleqatigiinnissamik aqutissiuussinissaq, tassani oqartussaqaarfiit aamma suliffeqaarfiit toqqakkat aammalu inuit aningaasarsianik malunnarunnaarsaasarnermut aamma peqqarniisaarniarnernut aningaasalersuisarnermut pitsaaliuilluni pineqaatissiisarneq pillugu inatsimmi ilaatinneqartut paasissutissanik attuumassuteqartunik aamma pisariaqartinneqartunik sukkanerusumik



suussusersiisinnaassallutik aningaasarsianik malunnarunnaarsaasarneq aamma peqqarniisaarniarnernut aningaasalersuisarneq akiorniarlugit.

Tamaaliornikkut suliffeqarfiit toqqakkat aammalu inuit politiinut paasisatigut toraajunerusumik aammalu uppernarnerusumik tunniussaqaarsinnaassallutik aningaasarsianik malunnarunnaarsaaneq aamma peqqarniisaarniarnernut aningaasalersuineq aammalu taakkua ataanni pinerlunnerit pillugit paasiniaanermi. Paasissutissiinerit aamma kingunerisinnaavaat, pinerlunnerit pisut sukkanerusumik paasineqarneri, unitsinneqarneri aammalu malersorneqarneri. Tamatumuunatigut periarfissaqarnerussaaq, pinerlunnikkut pissarsiat arsaarinnissutigineqarnissaannut. Paasissutissiinerit aamma kingunerisinnaavaat pinerlunniangatigiinnik paasinninneq, assersuutigalugu aningaasarsianik malunnarunnaarsaallutik pisariusumik suliffeqarfitsigut aaqquissuussinernik atuisunik.

Tamatuma saniatigut suliffeqarfiit aningaasarsiornermik ingerlataqartut aningaasarsianik malunnarunnaarsaasarneq aamma peqqarniisarnianernut aningaasalersuisarneq pitsaaliorniarlugit immikkut suliniuteqarnerat suleqatigiinnerup nukittorsarsinnaassavaa, tassami suliffeqarfiit pissutsit pasitsannartut pillugit annertusisamik kalerinneqaarsinnaassagamik. Suliffeqarfiit aningaasarsiornermik ingerlataqartut taamaalillutik mianersornissamut periarfissaqarput, tassunga ilanngullugit assersuutigalugu sullitanik ilisarismanninnissaq pillugu periutsit sukatickat aamma sullitat nuussisarnerinik annertusisamik nakkutiginninneq.

Suleqatigiinnermut atatillugu inatsisitigut sinaakkusiisoqarpoq, isumannaarisumik, suleqatigiinnermi paasissutissanik ingerlatitseqqiiisinnaanermik, tassunga ilagitillugit paasissutissat isertuussat, aningaasarsianik malunnarunnaarsaasarneq aamma peqqarniisarnianernut aningaasalersuisarneq pitsaaliorniarlugit imaluunniit akiorniarlugit suliaqarnermut pingaaruteqartut. Taamatuttaaq aamma suleqatigiinnermi isertuussineq pisariaqartoq isumannaarniarlugu nipangiussisimasussaataitanermik immikkut ittumik

eqqussisoqarpoq, tamatuma kingorna inuit, suleqatigiinnermut peqataasut, pillaasarnermik inatsit malillugu akisussaaffeqarnermi ataani pisussaaffeqarlutik paasissutissanik isertuussinissamut, suleqatigiinnermut atatillugu tiguneqartunik.

Suleqatigiinnerup Kalaallit Nunaanni atuunnissaanut piginnaatitsissummik tunngaviliisoqanngilaq.

#### *2.2.1.1.2. Paasissutissanik avitseqatigiinneq pillugu Kalaallit Nunaanni malittarisassat*

Pisortat ingerlatsinerat pillugu inatsit naalagaaffimmi oqartussa qarfiit Kalaallit Nunaanni paasissutissanik ingerlatitseqqiisarnerannut atuuppoq, tak. Kalaallit Nunaanni pisortat ingerlatsinerat pillugu inatsisip atuutilersinneqarnissaanut inatsit nr. 571, 19. december 1985-meersoq, allanngortinneqartoq inatsit nr. 347, 6.juni 1991-meersukkut, kunngip peqqussutaatigut Kalaallit Nunaannut atuutilersinneqartoq nr. 1188, 27. december 1994-imeersukkut. Naalagaaffiup oqartussa qarfiisa paasissutissanik ingerlatitseqqiisarnerat, taakkua isertuussaagaangata, pisortat ingerlatsinerat pillugu inatsimmi 28, imm. 2-mi naleqqussarneqarpoq. Aalajangersagaq taanna malillugu ingerlatitseqqiineq taamaallaat pisinnaavoq, taanna, paasissutissani pineqartoq, akuersissuteqarnissamut periarfissaqanngippat, imaassimappat ingerlatitseqqiineq paatsuugassaannngitsumik pineqartup soqutigisai pillugit pisoq. Tamatuma saniatigut pisortat ingerlatsinerat pillugu inatsimmi 28 a malillugu inerteqqutaannngitsumik paasissutissanik allanut ingerlatitseqqiisoqarsinnaavoq, tassunga ilagitillugit Kalaallit Nunaanni oqartussa qarfiit, imaassimappat tamanna pinerluttaalititsineq pillugu suleqatigiinneq eqqarsaatigalugu pisariaqartinneqartoq.

Inunnut paasissutissanik suliarinnineq, tassunga ilaalluni paasissutissanik ingerlatitseqqiineq naalagaaffimmi oqartussanut Kalaallit Nunaanniittunut kalaallinilu oqartussanut nalinginnaasumik sinaakkusersugaapput inatsisini inunnut paasissutissanik

suliarinninnermi, peqqussut nr. 1238, 14. oktober 2016-imeersukket Kalaallit Nunaannut atuutilersinneqartumi (persondataloven). Inatsimmi § 5-imiit § 8-mut aalajangersarneqarpoq tunngaviumik tunaartarisat piunasaqaatillu inunnut paasissutissanik ingerlatitseqqiinnermi allatullu suliarinninnermi. Aammattaaq inatsimmi kapitali 8-miit 10-mut malittarisassat pisinnaatitaaffillu arlallit aalajangersarneqarput inunnut paasissutissaatigineqartunut. Ilaatigut paasissutissiisussaataaneq (tassa pineqartup pisinnaatitaaffia ilisimatinneqarnissaminut paasissutissanik suliaqartoqarneranik ingerlatitseqqiisoqarneranillu), aammalu paasissutissanut pineqartunut takunnissinnaatitaaneq.

Inatsisinik atuutsitsinnermi politiit inunnut paasissutissanik suliarinnittarnerannut tunngatillugu naatsorsuutigineqarpoq oqartussaqaarfiit inatsisinik atuutsitsisut inunnut paasissutissanik suliarinnittarnerat pillugu inatsisip Kalaallit Nunaannut atuutilernissaanut peqqussutissatut missingiummik Namminersorlutik Oqartussanut upernaakkut ataatsimiinnermi saqqummiussinissaq. Tamanna 1. juli 2023-mi atuutilersitsinissamik siunertaqarnermut atatillugu pivoq. Oqaaseqaatigineqarpoq, pinerluttulerinnermut tunngatillugu peqqussutip inunnut paasissutissat pillugit inatsit taarsissagaa. Siunertarineqarpoq, peqqussut siullermik taamaallaat atuutissasoq politiit inunnut paasissutissanik suliarinnittarnerinut, kisianni justitsministerip aalajangersarsinnaassavaa piffissaq erseqqinnersusoq, qaqugu peqqussutip aamma pinerluttunik isumaginnittunut aamma Kalaallit Nunaanni eqqartuussivinnut atuutilernissaanut tunngatillugu. Malittarisassat taakkua Kalaallit Nunaannut atuutilernissaannut pingaarnertut siunertaq tassaavoq Kalaallit Nunaanni naleqqussaaneq pitsaanerusoq aamma piffissamut tulluarnerusoq, inatsisinik atuutsitsillutik oqartussaqaarfiit inunnut paasissutissanik suliarinnittarnerinut tunngatillugu. Suliarinnittarnermut malittarisassat pineqartillugit annerturnerusumik inatsisinik atuutereersunik eqqussineq pineqarpoq, taammaatorli tunngavinnik ataasiakkaanik eqqussisoqarpoq assersuutigalugu inunnut paasissutissanik toqqortaateqarnissamut piffissarititaasut, soorluttaaq

malittarisassat ilaatigut paasissutissiinissamut pisussaaffeqarnermut, akerliusinnaatitaanermut aammalu naqqiuteqarsinnaanermut pisinnaatitaaffinnik annertunersitsinernik malitseqartussaasut.

Kalallit Nunaanni oqartussaqaqfinni paasissutissanik avitseqatigiinneq aamma allatut suliarinnineq ilaatigut pisortani ingerlatsineq aamma pinerluttulerinermi Kalaallit Nunaannut Inatsisartut inatsisaat nr. 8, 13. juni 1994-imeesoq malillugu ingerlanneqarpoq. Tassunga atatillugu inatsisartut inatsisaanni kapitali 8-mut aamma pinerluttulerinermik inatsimmi § 50-miit 54-mut innersuussisoqarsinnaavoq.

Tamatuma saniatigut inatsisissatut siunnersuummi nr. L 126, 10. maj 2022-meersumi eqqartuussisarnermi inatsimmi §§ 110 a-110 b-mut oqaaseqaatinut innersuussisoqarpoq, inatsisissatut siunnersuummi nr. L 14, 6. oktober 2021-meersumi (danskit eqqartuussisarnermi inatsisaat), tak. Folketingstidende 2021-22, A, qupp. 57 ff.

#### *2.2.1.2. Justitsministeriap isumaliuutersuutai*

Inatsisip nr. 2601, 28. december 2021-meersup Kalaallit Nunaannut naapertuuttunik allannguuteqartillugu akuersissutigineqarneranut atatillugu Justitsministeria isumaqarpoq, aningaasarsianik malunnarunnaarsaasarneq aamma peqqarniisarnianernut aningaasalersuisarneq aamma pinerloriaatsit allat akiorniarlugit suleqatigiinneq Danmarkimi ingerlatsineq assigalugu Kalaallit Nunaanni ingerlalluarsinnaasariaqartoq, allannguuteqartillugu Kalaallit Nunaanni pissutsinut naapertuuttunik. Tamatumuuna isumannaarneqassaaq, paasiniaanermut aamma pinerlunnernik pisariusunik malersuineranut atatillugu inuiaqatigiit Kalaallit Danmarkimi sullissineq assigalugu sullinneqarsinnaanerat.

#### *2.2.1.3. Aaqqissuussineq siunnersuutigineqartoq*

##### *2.2.1.3.1. Kalaallit Nunaat pillugu suleqatigiinneq*

Siunnersuutigineqarpoq Kalaallit Nunaanni eqqartuussisarnermi inatsimmi nutaamik § 62 i-mik ikkussinissaq, tamatuma kingorna suleqatigiinneq, Pinerlunnernut Immikkut Isigisarialinnut Nuna tamakkerlugu Immikkoortortap aqutsinerata ataani Danmarkimi pilersinneqartoq, aammattaaq Kalaallit Nunaanni atuutissalluni. Piumasaqaatigineqarpoq, danskit aamma kalaallit suliaqartut suleqatigiinnermut peqataasinnaanissaat, tassunga ilagitillugit Kalaallit Nunaanni oqartussa qarfiit aamma nammineertut toqqakkat Kalaallit Nunaanni aningaasarsianik malunnarunnaarsaasarneq pillugu inatsimmi ilaatinneqartut, Kalaallit Nunaanni pissutsit pillugit sulianik ingerlatsisoqaraangat.

Danmarkimisuulli Kalaallit Nunaannut suleqatigiinnermik eqaatsumik aaqqissuunneqarsimasumik pilersitsinissaq siunnersuutigineqarpoq, taamaalilluni suleqatigiinneq naapertuuttumik ingerlanneqarsinnaaqqullugu. Tamatuma malitsigivaa, Pinerlunnernut Immikkut Isigisarialinnut Nuna tamakkerlugu Immikkoortortap suleqatigiinnissamik pilersitsinissaq pillugu aalajangiisinaanera suliamut aalajangersimasumut, sumiiffimmut aalajangersimasumut imaluunniit aarlerinaatinut nutaanut tunngatillugu aamma aningaasarsianik malunnarunnaarsaasarnermut aammalu peqqarniisarnianernut aningaasalersuisarnermut pissutsinut imaluunniit pinerluttulerinermi suliaqarfinnut allanut tunngatillugu, siunnersuutigineqartoq § 62 i, imm. 8 naapertorlugu suleqatigiinnermut ilaatinneqartut.

Tamatumunnga atatillugu piumasaqaatigineqarpoq, Kalaallit Nunaanni ilanngaaserinermut aamma akileraartarnermut oqartussa qarfiit suleqatigiinnermi peqataasinnaanerat, Kalaallit Nunaanni pissutsinut tunngasunik suliaqartoqaraangat, soorlu kalaallit aamma danskit oqartussa qarfiit peqataasinnaasut, Pinerlunnernut Immikkut Isigisarialinnut Nuna tamakkerlugu Immikkoortortap taamanna aalajangerpagu. Immikkoortortap aamma aalajangersinnaavaa, suliffe qarfiit aamma inuit aningaasarsianik malunnarunnaarsaasarneq

pillugu inatsimmi ilaatinneqartut suleqatigiinnermut peqataasinnaanerat. Taamaaliornikkut isumannaarneqassaaq, suliaqartut attuumassuteqartut tamarmik suleqatigiinnermut peqataasinnaanerat, tamanna aningaasarsianik malunnarunnaarsaasarneq aammalu peqqarniisarnianernut aningaasalersuisarneq aamma pinerloriaatsit allat pitsaaliorniarlugit aamma akiorniarlugit suleqatigiilluni suliassamut pingaaruteqaraangat imm. 8-mi aalajangersarneqartoq malillugu.

#### *2.2.1.3.2. Oqartussa qarfiit suleqatigiinnermut paasissutissanik ingerlatitseqqiisarnerat*

Qulaani taaneqareersutut suleqatigiinneq aamma Kalaallit Nunaanni ingerlanneqarsinnaasariaqarpoq. Susassa qarfimmi malittarisassat erseqqissut isumannaarniarlugit siunnersuutitigut § 62, imm. 3-kkut siunnersuutigineqarpoq, ilaatigut aningaasarsianik malunnarunnaarsaasarneq aamma peqqarniisarnianernut aningaasalersuisarneq aamma pinerloriaatsit allat akiorniarlugit Kalaallit Nunaanni oqartussa qarfiit attuumassuteqartut suleqatigiinnermut peqataasunut allanut paasissutissanik ingerlatitseqqiisarnerat pillugu aalajangersakkamik ikkussisoqarnissaa siunnersuutigineqartumi § 62 i, imm. 8 malillugu aalajangersarneqartutut.

Taamaalilluni aalajangersakkap siunnersuutigineqartup malitsigivaa, Kalaallit Nunaanni oqartussa qarfinni sulisut, suleqatigiinnermut peqataasut, aningaasarsianik malunnarunnaarsaasarneq aamma peqqarniisaarnianernut aningaasalersuisarneq pitsaaliorniarlugit aamma akiorniarlugit suliassamut pingaaruteqartunik paasissutissanik avitseqatigiissinnaanerat, tassunga ilagitillugit paasissutissat isertuussat.

Oqaaseqaatigineqarpoq, paasissutissat akileraartarnermut aqutsisoqarfimmiit aamma allaniit Danmarkimi oqartussa qarfinniit avitsissutigineqarsinnaannginneri, imaassimappat avitseqatiginninneq taamaattoq akileraartarnermut tunngasuni isumaqaqigiissutininnaanneersunik paasissutissanik avitseqatiginninneq pillugu aalajangersakkanik eqquutsitsinngitsoq,

Danmarkip inatsiseqarfinnik allanik isumaqatigiissutigisimasaanik aammalu atuutilersinneqarsimasunik. Tamatumani pineqarput assersuutigalugu Danmarkip marloqiusamik akileraartarneq pillugu isumaqatigiissutaani atuuttuni paasissutissanik avitseqatiginnittarneq pillugu aalajangersakkat. Tamanna aamma atuutissaaq Kalaallit Nunaanni oqartussaqaarfinnut, tamanna akileraartarneq pillugu isumaqatigiissutitut assingusunut akerliuppat, Kalaallit Nunaannut isumaqatigiissutigineqarsimasunut.

Datanik illersuineq pillugu inatsimmut tunngatillugu inatsisissatut siunnersuummi 3. imm. innersuussutigineqarpoq.

#### *2.2.1.3.3. Suliffeqarfiit aamma inuit suleqatigiinnermut paasissutissanik ingerlatitseqqisarnerat*

Oqartussaqaarfiit aamma Kalaallit Nunaanni suliffeqarfiit aamma inuit toqqakkat akornanni suleqatigiinneq pitsaasoq isumannaarniarlugu siunnersuutikkut § 62 i, imm. 4-kkut aqutissiuunneqarpoq inatsisikkut tunngavik, isumannaarisoq, suliffeqarfiit aamma inuit aningaasarsianik malunnarunnaarsaasarneq pillugu inatsimmi nr. 651, 8. juni 2017-imeersumi § 1-imi ilaatinneqartut, suleqatigiinnermut atatillugu paasissutissanik isertuussanik avitseqatigiissinnaanerannik.

Tamatumani allaqqavoq, suliffeqarfiit aamma inuit aningaasarsianik malunnarunnaarsaasarneq pillugu inatsimmi § 1-imi ilaatinneqartut, suliffeqarfiit aningaasarsiornermik ingerlataqartut pillugit inatsimmi, kunngip peqqussutaatigut nr. 1252, 15. september 2004-meersukkut Kalaallit Nunaannut atuutilersinneqartumi kingusinnerusukkut allannguutit ilanngullugit, § 117, imm. 1 aamma kukkunerisuisut naagalaaffimmit akuerisat aamma nalunaarsugaasut pillugit inatsimmi, kunngip peqqussutaatigut nr. 623, 23. juni 2008-meersukkut atuutilersinneqartumi kingusinnerusukkut allannguutit ilanngullugit, § 26 apeqqutaatinnagit, oqartussaqaarfinnut, suliffeqaarfinnut aamma inunnut suleqatigiinnermut peqataasunut paasissutissanik ingerlatitseqqisinnaasut, tak. imm. 1, paasissutissat aningaasarsianik

malunnarunnaarsaasarneq aammalu peqqarniisarnianernut aningaasalersuisarneq aamma pinerloriaatsit allat pitsaaliorniarlugit aamma akiorniarlugit suliassamut pingaaruteqarsinnaagaangata imm. 8-mi aalajangersarneqartoq malillugu.

#### *2.2.1.3.4. Oqartussa qarfiit nipangiussisimasussaatitaanerat*

Aamma siunnersuutigineqartumi § 62 i, imm. 5-mi allaqqavoq, inuit suleqatigiinnermut peqataasut, tak. siunnersuutigineqartoq § 62 i, imm. 1, pinerluttulerinermi inatsimmi §§ 50-54 malillugit akisussaaffeqarlutik pisussaaffeqartut paasissutissanik isertuussinissamut, suleqatigiinnermut atatillugu tiguneqartunik.

Aalajangersakkap siunnersuutaasup ilaatigut isumannaassavaa, Kalaallit Nunaanni oqartussa qarfiit suleqatigiinnermut atatillugu paasissutissanik tigusaqartut, tamanna pillugu nipangiussisimasussaatitaanerat. Ilaatigut pineqarput paasissutissat, Kalaallit Nunaanni oqartussa qarfiup peqataasup suleqatigiinnermut atatillugu oqartussa qarfinniit allaniit tigusinnaasaat. Assersuutigalugu paasissutissaasinnaapput Pinerlunnernut Immikkut Isigisarialinnut Nuna tamakkerlugu Immikkoortortaminngaanneersut, Kalaallit Nunaanni akileraartarnermut aqutsisoqarfimminngaanneersut, Danmarkimi akitsuuserinermut aamma akileraartarnermut aqutsisoqarfimminngaanneersut aamma Aningaasanoorneq pillugu oqartussa qarfimminngaanneersut. Oqaaseqaatigineqarpoq, danskit oqartussa qarfi, danskit eqqartuussisarnermi inatsisaanni § 110 b, imm. 5 malillugu, pillaasanermik inatsimmi §§ 152-152 e malillugit akisussaaffeqarlutik paasissutissanik isertuussinissamut pisussaaffeqassasut, suleqatigiinnermut atatillugu tiguneqartunik, tassunga ilagitillugit paasissutissat isertuussat Kalaallit Nunaanni oqartussa qarfinnngaanneersut.

Aalajangersakkami siunnersuutigineqartumi § 62, imm. 6-imi aamma allaqqavoq, § 62 i, imm. 5-imi nipangiussisimasussaatitaaneq aamma inummut inatsisitigut pisinnaatitaasumut aamma pisussaatitaasumut



ingerlatitseqqiinnermut atuunnera, paasissutissani pineqartumut, inatsisit allat naapertorlugit pineqartumut paasissutissanik ingerlatitseqqiinissamut inatsisitigut pisussaaffeqarsinnaaneq apeqqutaatinnagu, taamaattoq tak. siunnersuutigineqartoq § 62 i, imm. 7. Tassani pingaarnertut ingerlatsineq pillugu inatsisitigut aamma datanik illersuineq pillugu malittarisassat pineqarput. Datanik illersuineq pillugu inatsimmut tunngatillugu ataaniittoq imm. 3 innersuussutigineqarpoq.

Aaqquissuussinerup paasissutissanut tunngatillugu isertuussinissaq pisariaqartoq isumannaassavaa, inunnut tunngassutilinnik paquminarsinnaasunik tunngassuteqarsinnaasunik imaluunniit suliffeqarfinnut imaluunniit sullitanut ataasiakkaanut tunngassuteqarsinnaasunik, aammalu tassani isertuussinissaq aallaavittut pisariaqassalluni aningaasarsianik malunnarunnaarsaasarneq aammalu peqqarniisarnianernut aningaasalersuisarneq aamma pinerloriaatsit allat pitsaaliorniarlugit aamma akiorniarlugit oqartussa qarfiit suliassaateqarsaatigalugit imm. 8-mi aalajangersarneqartoq malillugu.

Siunnersuutigineqartoq § 62 i, imm. 7, 1. imm., imm. 5-imi aamma 6-imi nipangiussisimasussaataitanerup atuutinnginnissaanik imaqarpoq. Aalajangersakkap malitsigivaa, paasissutissat imm. 5-imi nipangiussisimasussaataitanerup ilaatinneqartut, oqartussa qarfimmiit paasissutissanik tunniussisuusumiit akuersissuteqartoqarnera malillugu oqartussa qarfiup tigusisuusup suliamik ingerlatsineranut ilanngunneqarsinnaaneri.

Siunnersuutigineqartup § 62 i, imm. 7, 2. imm. malitsigivaa, nakkutilliinnermut oqartussa qarfiit pineqartut aningaasarsianik malunnarunnaarsaasarneq pillugu inatsit naapertorlugu assersuutigalugu, inatsimmi tassani § 56, imm. 3, § 63, imm. 3 aamma § 69, imm. 3 naapertorlugit paasissutissanik ingerlatitseqqiisinnaanissaat, tigusisussat ataasiakkaat pillugit nalilersuineq tunuliaqutaralugu, oqartussa qarfik tunniussisoq tamatumunnga akuersissuteqarsimappat.

Tamatuma saniatigut inatsisissatut siunnersuummi § 1, nr. 2-mut (§ 62 i) oqaaseqaatit innersuussutigineqarput.

#### *2.2.1.3.5. Suliffeqarfiit nipangiussisimasussaatitaanerat*

Siunnersuutigineqartoq § 62 i, imm. 2. 2. imm. malillugu, suliffeqarfiit aamma inuit aningaasarsianik malunnarunnaarsaasarneq pillugu inatsimmi § 1-imi ilaatinneqartut, qulaani taaneqartutut, taamaattoq suleqatigiinnermut peqaraasinnaassapput. Taamaattumik siunnersuutigineqartumi § 62 i, imm. 5-imi nipangersimasussaatitaanermut, ilaatinneqarput suliffeqarfiit aamma inuit aningaasarsianik malunnarunnaarsaasarneq pillugu inatsimmi § 1-imi ilaatinneqartut, aningaasarsianik malunnarunnaarsaasarneq aammalu peqqarniisarnianernut aningaasalersuisarneq aamma pinerloriaatsit allat pitsaaliorniarlugit aamma akiorniarlugit suleqatigiinnermut peqataasut, siunnersuutigineqartoq § 62 i, imm. 8 malillugu aalajangersarneqartut.

Nipangiussisimasussaatitaanerup malitsigivaa, aningaasarsianik malunnarunnaarsaasarneq pillugu inatsimmi § 1-mi ilaatinneqartut suliffeqarfiit aamma inuit, suleqatigiinnermut peqataanermut atatillugu paasissutissanik tigusaqartut, paasissutissanik suliarinninnermut tunngatillugu nipangiussilluinnarnissamut pisussaaffeqarnerat.

Oqaaseqaatigineqarpoq, danskit suliffeqarfii aamma inuit, suleqatigiinnermut peqataasut, danskit eqqartuussisarnermi inatsisaanni § 110 b, imm. 5 malillugu, pillaasarnermik inatsimmi §§ 152-152 e malillugit akisussaaffeqarlutik, pisussaaffeqassasut paasissutissanik isertuussinissamut, suleqatigiinnermut atatillugu tiguneqartunik, tassunga ilagitillugit paasissutissat Kalaallit Nunaanni suliffeqarfinniit, inunniit aamma oqartussaqarfinniit tiguneqartut.

Siunnersuutigineqartumi § 62 i, imm. 6-imi aalajangersakkap naqissuserpaattaaq nipangiussisimasussaatitaanerup inunnut aamma suliffeqarfinnut paasissutissani pineqartunut assinganik atuunnissaa. Tamatuma malitsigivaa, paasissutissat pineqartut paasissutissiinissamut

pisussaataanerme aamma allagaatinik takunnissinnaatitaanerme datanik illersuineq pillugu malittarisassat malillugit ilaatinneqannginneri. Oqaaseqaatini nalinginnaasuni 3.1 imm. aamma 3.2 imm. innersuussutigineqarput.

Siunnersuutigineqartup § 62 i, imm. 7, 3. imm.-p kingunerivaa, siunnersuutigineqartumi § 62 i, imm. 5-imi paasissutissat nipangiussisimasussaataanerme ilaatinneqartut, oqartussaqaarfimmiit paasissutissanik tunniussisuusumiit akuersissuteqartoqarneratigut, suliffeqarfiup imaluunniit inuup aningaasarsianik malunnarunnaarsarneq aamma peqqarniisaarniarnernut aningaasalersuisarneq imaluunniit pinerloriaatsit allat pitsaaliorniarlugit aamma akiorniarlugit suliaqarneranut ilanngunneqarsinnaaneri, siunnersuutigineqartumi § 62 i, imm. 8 aalajangersarneqartutut.

Tamatuma saniatigut inatsisissatut siunnersuummi § 1, nr. 2-mut (§ 62 i) oqaaseqaatit innersuussutigineqarput.

*2.2.1.3.6. Justitsministerip aningaasarsianik malunnarunnaarsaasarneq aamma peqqarniisaarniarnernut aningaasalersuisarneq pillugit sulianit allaanerusunik suleqatigiinnerup suliassanik ingerlatsinera pillugu malittarisassanik aalajangersaanissamut piginnaatitaanera*

Aammattaaq siunnersuutigineqartumi § 62 i, imm. 8-mi allaqqavoq, justitsministeri aningaasarsianik malunnarunnaarsitsisarnemut aamma peqqarniisaarniarnernut aningaasalersuisarnermut suliat tunngassuteqanngitsut pillugit suleqatigiinnermi ingerlanneqarsinnaaneri pillugu malittarisassanik erseqqinnerusunik aalajangersaasinnaasoq, pinerluttulerinermi suliaqarfik Pinerlunnernut Immikkut Isigisarialinnut Nuna tamakkerlugu Immikkoortortap susassaqaarfiinut ilaatinneqarpat, tak. § 62 h.

Aalajangersakkap Kalaallit Nunaannut isumannaassavaa, suleqatigiinnerup aamma sulianut allanut tunngatillugu atorneqarsinnaanera, pinerlutsaaliuinnermut imaluunniit pinerluttarnernik

akiuniarnermut attuumassuteqartunut, Pinerlunnernut Immikkut Isigisarialinnut Nuna tamakkerlugu Immikkoortortap susassaqaarfiisa ataaniittunut.

Tamatumunnga atatillugu Justitsministeriap naatsorsuutigivaa piginnaatitsineq pillugu aalajangersagaq siunnersuutigineqartoq malillugu nalunaarummik atuutilersitsinissaq, tassuunakkut ungasianiit kanngutsaatsuliornernut tunngatillugu pissutsit pasinartut pillugit paasissutissanik suleqatigiinnermi eqqartuinissaq aamma avitseqatigiinnissaq periarfissanngorluni, immikkoortullit pillugit, internetsip inniminniinermut atorneqarneratigut aammalu internetsikkut toqqaannartumik nunani allani kinguaassiuutitigut meeqqanik atorneerluinermut tunngasunik.

Suleqatigiinnerup annertusineqarnissaanut tunuliaqutaavoq, nunani allani ungasianiit meeqqanik kanngutsaatsuliornert pillugit suliat suleqatigiinnermut ilaatinneqarnissaat, pinerlunnerit taamaattut politiiniit paasineqarsinnaaneri ajornakusoortarmat, pisut amerlanerpaartaanni Kalaallit Nunaanni inniminniisup aamma nunami allami kanngutsaatsuliortup akornanni nuussinerup qulaajaaffigineqarnera, paasiniaanermik aallartitsinissamut aalajangiisuusarmat.

Tamatuma saniatigut inatsisissatut siunnersuummi § 1, nr. 1-imut (§ 62 i) kiisalu taakkununnga oqaaseqaatinut innersuussisoqarpoq.

### **3. Datanik illersuineq pillugu malittarisassanut tunngasut**

Danmarkimi oqartussaqaarfinnut kiisalu suliffeqaarfinnut aammalu inunnut Danmarkimi ingerlataqartunut inuit pillugit paasissutissat nalunaarsuutiniq illersuinermit peqqussummi nalunaarsukkallu pillugit mianerinnilluni illersuinissamut inatsimmi nalinginnaasumik nalimmassagaasumi paasissutissartalinnik suliaqarnerni politiit eqqartuussisoqarfiillu taaneqartunik inatsisunik atuutsitsinermi inatsit naapertorlugu timitalerneqarnissaannut atatillugu inunnut paasissutissanik imaqaartunik

suliaqarnerni nalinginnaasumik inatsisit naapertorlugit  
atuutussanngortitsinerni malittarisassa at naleqqussagaapput.

Kalaallit Nunaanni inunnut paasissutissanik suliarinnittarneq inunnut  
paasissutissanik suliarinnittarneq pillugu inatsimmi (inunnut  
paasissutissat pillugit inatsit) Kalaallit Nunaannut atuutilersinneqartumi  
nalunaarutikkut nr. 1238, 14. oktober 2016-imeersumi  
naleqqussarneqarpoq.

Qulaani imm. 2.2.1.1.2-p ataani allanneqartutut, inatsisinik  
atuutsitsinermut inatsisip Kalaallit Nunaannut atuutilersinneqarnissaa  
pillugu peqqussutip upernaakkut ataatsimiinnermi  
saqqummiunneqarnissaa naatsorsuutigineqarpoq. Peqqussutip  
sunniutigissavaa, oqartussaqaarfiit piginnaatitaasut inunnut  
paasissutissanik suliarinnittarnerat Kalaallit Nunaanni inunnut  
paasissutissanut inatsimmi ilaatinneqarunnaarnera, suliarinninneq  
inatsisinik atuutsitsinermut inatsisip atuuffianut ilaatinneqaraangat.

Qulaani imm. 2.2.1.1.1-ip ataani allanneqartutut, danskit  
eqqartuussisarnermi inatsisaanni § 110 b, imm. 1 malillugu  
Pinerlunnernut Immikkut Isigisarialinnut Nuna tamakkerlugu  
Immikkoortortaq aqutsisoralugu pinerlunnikkut aningaasarsianik  
malunnarunnaarsaanernut, peqqarniisaarnianut aningaasalersuinernut,  
pinerluutinullu allanut il. il. akiuiniarneq pillugu suleqatigiinneq  
pilersinneqarpoq.

### *3.1. Danmarkimi inunnut paasissutissanik suliarinnittarneq pillugu nuna tamakkerlugu malittarisassat immikkut ittut*

Danskit eqqartuussisarnermi inatsisaanni § 110 b, imm. 3 malillugu  
oqartussaqaarfiit, nipangiussisimasussaatitaaneq inatsisini allani  
aalajangersarneqarsimasoq apeqqutaatinnagu suleqatigiinnermi, tak.  
taaneqartumi aaliangersagaq imm. 1, paasissutissanik  
ingerlatitseqqissinnaapput oqartussaqaarfinnut, suliffeqaarfinnut aamma  
inunnut suleqatigiinnermi peqataasunut, paasissutissat aningaasarsianik

malunnarunnaarsaasarneq aamma peqqarniisaarniarnernut aningaasalersuisarneq il. il. pitsaaliorniarlugit aamma akiorniarlugit sulinermut pingaaruteqarpata. § 110 b, imm. 4 malillugu, tamanna aamma atuuppoq suliffeqarfinnut aamma inunnut, aningaasarsiorneq il. il. pillugit aalajangersakkat ilaanni nipangiussisimasussaataitanerit pillugit aalajangersarneqarsimasut apeqqutaatinnagit.

Aaliangersakkanut piareersaataasumik suliani takuneqarsinnaasutut, datanik illersuineq pillugu peqqussummi artikeli 6, imm. 2-mi aamma 3-mi, tak. artikeli 6, imm. 1, litra 9, imm. 2 g aamma artikeli 10, imm. 1, sinaakkutit iluini nuna tamakkerlugu malittarisassatut immikkut ittutut aalajangersarneqarput. Politiit aamma unnerluussisussaataitaasut suleqatigiinnermi inunnut paasissutissanik suliarinnittarnerannut tunngatillugu aalajangersakkat inatsisinik atortitsinermit inatsimmi § 9-p aamma § 10, imm. 2-p sinaakkutaasa iluani aalajangersarneqarput.

Inatsisissatut siunnersuummut nr. L. 14, 6. december 2021-imeersumut (danskiteqartuussisarnermik inatsisaat) oqaaseqaatini nalinginnaasuni imm. 3-mut innersuussisoqarpoq, tak. Folketingstidende 2021-22, A, qupp. 44 ff.

Siunnersuutigineqartuk § 62-ikkut anguniarneqarpoq, suleqatigiinnerup Kalaallit Nunaanni ingerlanneqarsinnaanera. Taamaalilluni § 62, imm. 3-mi aamma 4-mi aalajangersakkatigut ilaatigut siunnersuutigineqarpoq, oqartussaqaarfiit, suliffeqarfiit aamma inuit annertusissallugit, oqartussaqaarfittut, suliffeqarfittut aamma inuttut suleqatigiinnermut peqataasut - inatsisini allani nipangiussisimasussaataitanerit apeqqutaatinnagu - paasissutissanik ingerlitseqqiisinnaasut danskiteqartuussisarnermi inatsisaanni § 110 b, imm. 3-mi aamma 4-mi aalajangersakkanut atuuttunut tunngatillugu.

Aalajangersakkatut siunnersuutigineqartut § 62, imm. 3 aamma 4 malillugit paasissutissanik avitseqatiginninneq datanik illersuineq peqqusutit atuuffiani ilaatinneqartillugit, nalilerneqarput soorlu danskiteqartuussisarnermik inatsisaanni § 110 b, imm. 3 aamma 4 - nunap

malittarisassaatu immikkoortutut alajangersarneqarsinnaasutut datanik illersuineq pillugu peqqussummi artikkel 6, imm. 2-mi aamma 3-mi sinaakkutit iluini, tak. artikkel 6, imm. 1, litra e, artikkel 9, imm. 2, litra g, aamma artikkel 10, 1. imm. Politiit aamma unnerluussisussaataasut suleqatigiinnermut atatillugu inunnut paasissutissanik suliarinninnerannut tunngatillugu aalajangersakkat nalilerneqarput atuutsitsinnermut inatsimmi § 9-p aamma § 10, imm. 2-p sinaakkutaasa iluini aalajangersarneqarsinnaasutut.

Aalajangersakkatut siunnersuutigineqartut malillugit inunnut paasissutissat suliarineqartillugit datanik illersuineq pillugu peqqusutip aamma inatsisip imaluunniit inatsisunik atuutsitsinnermut inatsisip atuuffiini ilaatinneqartut, tamatumani aalajangersakkat allat, tassunga ilagitillugit peqqusutip artikkel 5-imi aamma inatsisunik atuutsitsinnermut inatsimmi § 4-mi, alaatsinaanneqassapput.

Naatsorsuutigineqarpoq, inatsisunik atuutsitsinnermut atatillugu suleqatigiinneq, tak. inatsisunik atuutsitsinnermut inatsimmi § 1, Danmarkip aamma Kalaallit Nunaanata akornani inunnut paasissutissanik avitseqatiginninneq pisariaqartinneqalersinnaasoq. Justitsministeriap nalilerpaa, maannakkuugallartoq pisuni ataasiakkaani pisariaqartitsineq naapertorlugu Danmarkimiit kalaallinut suleqatigiinnermut peqataasunut inunnut paasissutissanik tunniussisoqarsinnaasoq inatsisunik atuutsitsinnermut inatsimmi § 35, imm. 1, nr. 4 tunngavigalugu. Siunissaq isigalugu suleqatigiinnermi inunnut paasissutissanik ingerlatitseqqisarnermut tunngavik inatsisunik atuutsitsinnermut inatsimmi § 35, imm. 1, nr. 2-mi nassaarineqarsinnaasariaqarpoq. § 34, imm. 1, nr. 2, malillugu ingerlatitseqqisoqarsinnaavoq, datanut akisussaasup pissutsit tamakkerlugit nalilersorsimappagit inunnut paasissutissanik ingerlatitseqqiinnermut atatillugu aammalu inerniliisimalluni, inunnut paasissutissat illersorneqarnissaannut qularnaveeqqutit pisariaqartinneqartut piusut kiisalu tamanna pillugu Datatilsyneti ilisimatissimallugu.

Suliarinnineq Danmarkimiit Kalaallit Nunaannut inatsisinik atuutsitsinerup avataatigut inunnut paasissutissanik ingerlatitseqqiinnermik malitseqarpat, tak. inatsisinik atuutsitsinermut inatsimmi § 1, taava tamanna datanik illersuineq pillugu peqqussummi kapitali V-mi nunanut pingajuusunut ingerlatitseqqiisarneq pillugu malittarisassanik alaatsinaannikkut ingerlanneqassaaq.

### *3.2. Nalunaarsorneqarsimasup Danmarkimi pisinnaatitaaffiisa iluini killiliineq*

Danskit eqqartuussisarnermi inatsimmi § 110 b, imm. 5 aamma 6 malillugit, inuit suleqatigiinnermi peqataasut paasissutissanik suleqatigiinnermut atatillugu pissarsiarineqarsimasunik aammalu inummut inatsisitigut pisinnatitaasumut pisussaatitaasumullu tunniussinermi isertuussinissamut pisussaaffeqarput, tassani apeqqutaatinnagu inatsisit allat naapertorlugit inummut pineqartumut paasissutissanik ingerlatitseqqittussaatitaasinnaaneq.

Aalajaangersakkanut oqaaseqaatini allaqqasutut, ilaatigut kingunerivaa datanik illersuineq pillugu peqqussummi artikeli 14-imi aammalu inatsisinik atuutsitsinermut inatsimmi § 13, imm. 2-mi paasissutissiinissamik pisussaaffimmut paasissutissat ilaatinneqannginneri.

Aalajangersakkat aamma malitsigivaat, paasissutissat datanik illersuineq pillugu peqqussummi artikeli 15-imi aamma inatsisinik atuutsitsinissamut inatsimmi § 15-imi allagaatinik takunnissinnaanermut pisinnaatitaaffimmut ilaatinneqannginneri. Soorlu aamma danskit eqqartuussisarnermi inatsisaanni § 110 b, imm. 5-imut aamma 6-imut oqaaseqaatini allaqqasoq, datanik illersuineq pillugu peqqussummi artikeli 14, imm. 5, litra d, aamma artikeli 23, imm. 1-imi aammalu datanik illersuineq pillugu inatsimmi § 22, imm. 3-mi kiisalu inatsisit atuutsitsineq pillugu inatsimmi 14-imi aamma § 16-imi paasissutissiinissamut pisussaaffimmi aammalu allagaatinik takunnissinnaanermut pisinnaatitaaffimmi killiliussat, sinaakkutit iluini



aalajangersarneqarput. Inatsisissatut siunnersuummut nr. L 14, 6. december 2021-imeersumut (danskiteq qartuussisarnermik inatsisaat), tak. Folketingstidende 2021-22, A, qupp. 44 ff.

Eqqartuussisarnermi inatsimmi § 62 i, imm. 5-imi aamma 6-imi aalajangersakkatigut siunnersuutigineqartutigut siunniunneqarpoq, inuit siunnersuutigineqartoq § 62, imm. 1 malillugu suleqatigiinnermut peqataasut, paasissutissanik isertuussinissamut pisussaaffeqassasut, suleqatigiinnermut atatillugu tiguneqartunik.

Siunnersuutigineqartumi § 62 i, imm. 5-imi aamma 6-imi aalajangersakkat nalilerneqarput – soorlu danskiteq qartuussisarnermi inatsisaanni § 110 b, imm. 5-imi aamma 6-imi - datanik illersuineq pillugu peqqussummi artikeli 14, imm. 5, litra d, aamma artikeli 23, imm. 1-imi aammalu datanik illersuineq pillugu inatsimmi § 22, imm. 3-mi kiisalu inatsisit atuutsitsineq pillugu inatsimmi 14-imi aamma § 16-imi sinaakutit iluini aalajangersarneqarsinnaasutut.

### *3.3 Kalaallit Nunaanni inunnut paasissutissanik suliarinninnermut malittarisassat*

Aalajangersakkat siunnersuutigineqartut malillugit Kalaallit Nunaanni inunnut paasissutissanik suliarinninneq inunnut paasissutissat pillugit inatsit malillugu periutsinik tunngaviusunik alaatsinaassinikkut ingerlanneqassaaq.

§ 62 i, imm. 3-mi aamma 4-mi aalajangersakkat siunnersuutigineqartut nalilerneqarput - soorlu danskiteq qartuussisarnermi inatsisaanni § 110 b, imm. 5-imi aamma 6-imi - suleqatigiinnermi Kalaallit Nunaanni oqartussa qarfiit, suliffe qarfiit aamma inuit peqataasut inunnut paasissutissanik suliarinninnerinut tunngaviusutut, tak. siunnersuutigineqartoq § 62, i, imm. 1. Kalaallit Nunaanni oqartussa qarfiit, suliffe qarfiit aamma inuit peqataasut siunnersuutigineqartoq § 62, i, imm. 5 aamma 6 malillugit inunnut paasissutissanik suliarinnissinnaassapput (tassunga ilagittillugit inunnut paasissutissat mianersuussassat, pissutsit

pillarneqarnermik kinguneqarsinnaasut pillugit paasissutissat aammalu inuup normui pillugit paasissutissat), inatsisini allani nipangiussisimasussaatitaaneq pillugu aalajangersakkat apeqqutaatinnagit, paasissutissat pingaaruteqarsinnaagaangata aningaasarsianik malunnarunnaarsaasarneq aamma peqqarniisaarniarnernut aningaasalersuisarneq imaluunniit pinerluttulerinermut tunngasut allat pitsaaliornissaannut imaluunniit akiornissaannut, eqqartuussisarnermi inatsimmut siunnersuutigineqartoq § 62 i, imm. 8 malillugu aalajangersarneqartut.

Inunnut paasissutissat pillugit inatsimmi kapitalit 8-miit 10-mut malit-tarisassanik arlalinnik aalajangersaanertaqarput inunnut paasissutissatigut pineqartunut pisinnaatitaaffiit pillugit. Ilaatigut ilaatinneqarpoq paasissutissiinissamut pisussaffik (imatut paasillugu, pineqartoq pillugu paasissutissanik katersuineq aamma ingerlatitseqqiisarneq pillugu paasitinneqarnissamut pisinnaatitaaffik), kiisalu inuup nalunaarsorneqartup paasissutissanik imminut tunngasunik takunnissinnaanermut pisinnaatitaaffia.

§ 62 i, imm. 5-imi aamma 6-imi suleqatigiinnermut atatillugu paasissutissat pissarsiat pillugit nipangiussisimasussaatitaaneq pillugu aalajangersakkat siunnersuutigineqartut, tak. siunnersuutigineqartoq § 62 i, imm. 1, kingunerivaat, inunnut paasissutissat pillugit inatsimmi §§ 28 aamma 29 malillugu paasissutissiinissamut pisussaaffik kiisalu inunnut paasissutissat pillugit inatsimmi § 31 malillugu takunnissinnaatitaanermut pisinnatitaaffik atuutissanngitsut. Taamalillutik aalajangersakkat siunnersuutigineqartut inunnut paasissutissat pillugit inatsimmi paasissutissiinissamut pisussaaffeqarneq pillugu aamma takunnissinnaanermut pisinnatitaaffeqarneq pillugu malittarisassanik saneqqussipput, suleqatigiinnermut atatillugu paasissutissanik tiguneqartunut tunngatillugu.

#### **4. Naalagaaffiit peqatigiit nunarsuarmi anguniagaanut kingunerisaasut**

Inatsisissatut siunnersuut nalilerneqarpoq aningaasat aamma sakkussat ingerlaartinneqarnerinik malunnaatilimmik annikillisaanerup aammalu pigisat nalillit tillitat arsaarinnissutigineqarnissaat aamma utertinneqarnissaat pillugu suiliniummik nukittorsaanerup aammalu Kalaallit Nunaanni aaqqissuussamik pinerluttarnernik sunilluunniit akiuinerup naammassineqarnissaanut Naalagaaffiit peqatigiit nunarsuarmi anguniagaanni anguniakkat ilaannut 16.4-imut pitsaasumik isumaqarsinnaanissaa.

## **5. Pisortat aningaasaqarnerannut aamma atuutilersitsinerup kinguneri**

Inatsisissatut siunnersuut naatorsuutigineqarpoq Justitsministeriap oqartussaqaarfiinut aningaasartuuteqarnerutitsissasoq. Aninaasaqarnikkut kinguneqaataasut erseqqinnerusut inatsisissatut siunnersuutip Folketingimut saqqummiunneqarnissaa sioqqullugu qulaajrneqassapput.

## **6. Inuussutissarsiortut il. il. aningaasaqarnerinut aamma allaffissornerinut kinguneri**

Inatsisissatut siunnersuut nalilerneqarpoq inuussutissarsiordermut il.il. allaffissornikkut kinguneqassanngitsoq.

## **7. Innuttaasunut allaffissornikkut kinguneri**

Inatsisissatut siunnersuut innuttaasunut allaffissornermut kinguneqassanganneqanngilaq.

## **8. Silap pissusianut tunngasut kinguneri**

Inatsisissatut siunnersuut silaannaap pissusaanut kinguneqassanganneqanngilaq.

## **9. Avatangiisinut aamma pinngortitamut tunngasut kinguneri**

Inatsisissatut siunnersuut avatangiisinut pinngortitamullu kinguneqassanganneqanngilaq.

## 10. EU-mi inatsiseqarnermut tunngasut

Tamatumunnga tunngatillugu qulaani imm 3.1 aamma 3.2 takukkit.

## 11. Oqartussaqaarfiit aamma kattuffiit il. il. tusarniaavigineqartut

Inatsisissatut siunnersuummut missingiut piffissami 9. januar 2023-miit 6. februar 2023-p tungaanut tusarniaalluni nassiunneqarpoq oqartussaqaarfinnut aamma kattuffinnut il. il. tulluuttunut :

Advokatrådet, Advokatsamfundet, Amnesty International, Avannaata Kommunia, Dansk IT, Danske Advokater, Datatilsynet, Den Danske Dommerforening, Politiit Pillugit Maalaaruteqartarfik Arlaannaannulluunniit Attuumassuteqanngitsoq, Det Kriminalpræventive Råd, Dommerfuldmægtigforeningen, Domstolsstyrelsen, Foreningen af Advokater og Advokatfuldmægtige, Foreningen af Offentlige Anklagere, Foreningen af Statsadvokater, Kalaallit Nunaanni Illersuisut Peqatigiiffiat, Kalaallit Nunaanni Pisortat Unnerluussisuisa Peqatigiiffiat, , Finans Danmark, Fængselsforbundet, Nunatta Eqqartuussisuuneqarfia, Kalaallit Nunaanni Politiit Peqatigiiffiat, Kalaallit Nunaanni Inuit Pisinnaatitaaffii Pillugit Siunnersuisoqatigiit, Nunatsinni Advokatit, Inuit Pisinnaatitaaffii Pillugit Siunnersuisoqatigiit, Justitia, Kommune Kujalleq, Kommune Qeqertalik, Kommuneqarfik Sermersooq, Kredsdommerforeningen, Kriminalforsorgsforeningen, Kriminalpolitisk Forening (KRIM), Landsforeningen af Forsvarsadvokater, Nunatta Illersuisuunera, Nunatsinni Advokatit, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet i Danmark, Kalallit Nunaanni Politiit pillugit Naammagittaalluiteqartarfik, Qeqqata Kommunia, Retspolitisk Forening, Nunatta Eqqartuussivia, Naalagaaffiup Unnerluussisua, Naalagaaffiup Politiivi, Rådet for Digital Sikkerhed, Vestre Landsret aamma Østre Landsret.

## 12. Skema eqikkagaq

	Ajunngitsumik kinguneqartut	kinguneqarnerluttut /aningaasartuutit /aningaasartuutit ikinnerulersut	kinguneqarnerluttut /aningaasartuutit ilaneri (angerukku, annertussusileruk
--	-----------------------------	--	---

	(angerukku annertussu- leruk/Naaggaarukku allaguk: »soqanngilaq«)	/ Naaggaarukku allaguk: »soqanngi- laq«)
Naalagaaffimmut, kommuuneqarfinnut, illoqarfigisanullu anin- gaasaqarnermut kingu- neri	Soqanngilaq	Inatsisissatut siunnersuut naatorsuutigineqarpoq Justitsministeriap oqartussaqaarfiinut aningaasartuuteqarnerutitsissasoq. Aninaasaqarnikkut kinguneqaataasut erseqqinnerusut inatsisissatut siunnersuutip Folketingimut saqqummiunneqarnissaa sioqqullugu qulaajrneqassapput.
Naalagaaffimmut, kommuuneqarfinnut il- loqarfinnilu atortus- sannortitsinerup kin- gunerisassai	Soqanngilaq	Soqanngilaq
Inuussutissarsiorner- mut aningaasaqarner- mut kingunerisassai	Soqanngilaq	Soqanngilaq

Inuussutissarsiornermut aningaasaqarnermut kingunerisassai	Soqanngilaq	Soqanngilaq
Innuttaasunut allaffissornermut kingunerisassai	Soqanngilaq	Soqanngilaq
Silamut tunngasunut kingunerisassai	Soqanngilaq	Soqanngilaq
Avatangiisimut-pinnngortitamullu kingunerisassai	Soqanngilaq	Soqanngilaq
EU-mut ataneq	Inatsisissatut siunnersuut inatsisitigut EU-mut tunngasortaqaqanngilaq	
Inuussutissarsiornermut tunngasunut EU-pmalittarisaliaa ator-tussanngortisinermut tunngaviusunut saqitsaanneqarpoq/EU-mi malittarisaliamut naleqqiullugu, minnerpaaffiusumik	Aap	Naamik x

piumasaqaateqarneq ingerlaannarpoq (kryd- sileruk)	
--	--

*Inatsisissatut siunnersuummi aalajangersakkanut ataasiakkaanut  
oqaaseqaatit*

*§ 1-mut*

Nr. 1-mut

§ 62 h-mut

Eqqartuussisarnermi inatsimmi § 62 b, imm. 1, 1. imm. malillugu, Kalaallit Nunaat politeeqarfeqarfiuvoq ataaseq. Justitsministeri politiinut naalagaavoq, naalagaffimmi politiit pisortaat aamma politiit pisortat aqquutigalugit piginnaatitaanerminik ingerlatsilluni, tak. eqqartuussisarnermi inatsimmi § 62, 1. imm. Naalagaffimmi politiit pisortaat Kalaallit Nunaanni politiit sulinerat akisussaaffigivaa aammalu politiit pisortaat nakkutigalugu, tak. eqqartuussisarnermi inatsimmi § 62 a, imm. 1.

Justitsministeri pisortat unnerluussisuisa qullersaraat, taakkualu nakkutigivai, tak. eqqartuussisarnermi inatsimmi § 61 c, imm. 1.

Eqqartuussisarnermi inatsimmi § 61 naapertorlugu, pisortat unnerluussisui tassaapput Nalagaaffiup unnerluussisuunera, naalagaaffiup unnerluussisui, politiit pisortaat kiisalu inuit taakkununga ikiortiusut, pinerluttulerinermi suliat inatsisitigut suliarineqarnerini ikiuuttartut.

Naalagaaffiup unnerluussisuunerata Eqqartuussiviit Qullersaanni pinerluttulerinermik suliat naammassineqartarnerat isumagivaa aammalu immikkut ittumik eqqartuussivik maalaaruteqarfigineqarsinnaasumi atuuffeqarluni, tak. eqqartuussisarnermi inatsimmi § 61 d, imm. 1. Politiit pisortaat pisortallu unnerluussisui, tassani atorfillit, allallu atorfillit, tamatumunnga piginnaatinneqartut eqqartuussivinni, Nunatta

Eqqartuussiviani aammalu Nunatta Eqqartuussisuuneqarfiani pinerluttulerinermi sulianik naammassinnittarneq isumagivaat. Taamaattoq Naalagaaffiup Unnerluussisuunerata aalajangersinnaavaa, naalagaaffiup unnerluussisuisa suliaqarfimmi erseqqinnerusumik killiligaasumi pinerluttulerinermi sulianik taakkuninnga isumaginninnissaat, tak. § 61 e, imm. 1.

Politiit aamma unnerluussisussaataitaasut suliassanik isumaginninnerat aammalu aaqqissuussaanagerat pillugu malittarisassat erseqqinnerusut ilaatigut nassaarineqarsinnaapput eqqartuussisarnermi inatsimmi kapitali 3-mi.

Siunnersuutigineqartumi § 62 h, *imm. 1, 1. imm.*-mi allaqqavoq, Pinerlunnernut Immikkut Isigisarialinnut Nuna tamakkerlugu Immikkoortortap, tak. danskit eqqartuussisarnermi inatsisaanni § 110 a, imm. 1-mi, Kalaallit Nunaanni paasiniaaneq aamma pinerluttulerinermi inatsisitigut Kalaallit Nunaanni eqqartuussivinni malersuineq isumagissagai, unioqquitsissutaasup tunngavissaqarluartut pinerloriaatsit annertuutut naliliisoqarnerani, pinerlunnernut aaqqissuulluakkanut atassuteqartunik, nunani allani oqartussaqaqarfinnik pisariusumik suleqateqarnermik malitseqartunik, namminersuutaasunik periutsit immikkut ittut atorneqarnerisigut, imaluunniit allatut pinerloriaatsit aaqqissuulluakkat aqutigalugit.

Aalajangersakkatut siunnersuutigineqartukut Pinerlunnernut Immikkut Isigisarialinnut Nuna tamakkerlugu Immikkoortortaq Kalaallit Nunaanni suliaqarnissamut piginnaatinneqalissaaq, immikkoortortap ullumikkut Danmarkimi piginnaatinneqarnerata assinganik.

Tamatumunnga atatillugu siunnersuutigineqartumi § 62 h, *imm. 1, 2. imm.*-mi allaqqavoq, pinerluttulerinermi inatsimmi § 26 malillugu naalagaaffiup nunarsuaq tamakkerlugu pisussaataaffiinut inimiilliorneq pillugu suliat 1. imm.-mi ilaatinneqartut isigineqarnerat, imaassimangippat suliaq Politiit Immikkut Paasiniaasartuinit suliarineqartoq. Taamaalilluni aalajangersakkami erseqqissumik aalajangersakkami allaqqassaaq,



Pinerlunnernut Immikkut Isigisarialinnut Nuna tamakkerlugu Immikkoortortap sulianik taamattunik suliaqarnissamut kisimiilluni piginnaatinneqartoq, imaassimangippat suliaq Politiit Immikkut Paasiniaasartuinit suliarineqartoq.

Aammattaaq malitsigissavaa, immikkoortortap aamma Kalaallit Nunaanni isumagisinnaassagai pinerluttulerinermik inatsimmi § 26-mik unioqquitsineq pillugu suliat, nunarsuarmi pinerlunnerit ingasattut, tassunga ilagitillugit pingaarnertut inuiannik toqoraanerit pillugit suliat, inunnut pinerlunnerit, sorsulluni pinerlunnerit aamma nunani allani pinerlunnerit ingasattut allat, tassani paasiniaaneq aammalu pinerluttulerinermi malersuineq suliap pisariunera pissutigalugu aamma nunarsuarmioqataaneq eqqarsaatigalugu piumasaqaateqarfiusut immikkut ilisimasaqarnissamut aammalu nunani allani pissutsinik ilisimasaqarnissamut aammalu piumasaqaateqarfiusut, nunani allani oqartussaqaarfinnik, nuanarsuarmi suliniaqatigiiffinnik, kattuffinnik il. il. suleqateqarnermik pilersitsisoqarnissaanik.

Taamaattumik Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaanni pinerlunnernut pisariusunut attuumassuteqartunik ingerlatsinerit isumagissavai assersuutigalugu pinerlunniaqatigiit pinerlunneri, aaqqissuussaasumik aanngajaarniutinik niuernerit aamma anngiortumik eqqussuinerit, unioqquitsilluni sakkunik tuniniaanerit, aningaasarsianik malunnarunnaarsaanerit, aaqqissuussaasumik akileraarutissanik sumiginnaanerit kiisalu aaqqissuussaasumik inunnik niuernerit aamma anngiortumik inunnik eqqussuinerit.

Aamma § 62 h, *imm.* 2-mi siunnersuutigineqarpoq, justitsministerip, Pinerlunnernut Immikkut Isigisarialinnut Nuna tamakkerlugu Immikkoortortap Kalaallit Nunaanni susassaqaarfiinut ilaatinneqartut pinerlunnerit sorliit taarsiullugu Kalaallit Nunaata Politiiviniit aamma piumasaqaatit suut tunngavigalugit isumagineqarsinnaanerinut tunngatillugu malittarisassanik erseqqinnerusunik aalajangersaasinnaanera, paasiniaaneq aamma pinerluttulerinermilu malersuineq pineqartillugit.

Tamatumunnga atatillugu siunnersuutigineqarpoq, Pinerlunnernut Immikkut Isigisarialinnut Nuna tamakkerlugu Immikkoortortaq aamma Kalaallit Nunaannut ilaatigut pinerluutinik paasiniaanerni pinerlunnermilu inatsisitigut malersuinerni suliani pinerluttulerinermi inatsimmi §§ 104-miit 111-mut, §§ 113-imiit 116-imut malillugit pinerlunnerit pigisanut nalilinnut tunngatillugu unioqqutitsinerit ilaat pillugit imaluunniit inatsisitigut inuussutissarsiornermut imaluunniit aningaasanik niuernermi pissutsinut naleqqusaaanermut tunngassuteqartuni, unioqqutitsineq tunngavissalimmik pingaarutilimmik annertussuseqartut isigineqaraangat, aaqqissuussaasumik pinerlunnermut atassuteqarpat, periutsit immikkuullarissut atorlugit ingerlanneqarsimappat imaluunniit allatigut immikkut aaqqissuussaasimappat.

Siunnersuutigineqartukku § 62 h, imm. 2-kkut siunniunneqarpoq, eqaatsumik aaqqissuussinikkut, § 62 h, imm. 1-imi sinaakkutit iluini justitsministeri pinerluttulerinermi suliaqarfiit aalajangersarsinnaassagai, Pinerlunnernut Immikkut Isigisarialinnut Nuna tamakkerlugu Immikkoortortap isumagisassai. Tassunga atatillugu piunnaasaqatigineqarpoq, justitsministerip naalagaaffimmi politiit pisortaat piginnaatissinnaagaa, naalagaaffiup unnerluussisuata oqaloqatigereerneratigut Pinerlunnernut Immikkut Isigisarialinnut Nuna tamakkerlugu Immikkoortortaq aamma Kalaallit Nunaanni Politiit akornanni erseqqinnerusumik agguataarinissap aalajangersaaffiginissaanut. Suliap aalajangersimasup immikkoortortap ataaniinnera nalornissutigineqarpat, piunnaasaqatigineqarpoq apeqqutip tamatuma Pinerluuteqarneq pillugu Naalagaaffiup Unnerluussisuata aalajangiiffigineqarnissaa.

Eqqartuussisarnermi inatsimmi § 61 h, imm. 3 malillugu, naalagaaffiup unnerluussisuisa Kalaallit Nunaanni politiit pisortaanniit Danmarkimi politeeqarfimmut suliamik nuussisinnaanerat kalluarneqanngilaq, assersuutigalugu immikkoortortami imaluunniit suliani aalajangersimasuni akooqusaannginneq atuuppat, paasianaaneq tunngavigalugu politeeqarfik pinerluttulerinermut tunngatillugu paasiniaanissaa pisariaqartinneqarpat,

politiiteqarfinnut arlalinnut kalluaasoq. Pisuni taamaattuni naapertuutissaq suliat politiit pisortaannit ataatsimit naammassineqarnissaat.

Taamatuttaaq siunnersuutitigut § 62 h, imm. 2-kkut siunniunneqarpoq, suliap Pinerlunnernut Immikkut Isigisarialinnut Nuna tamakkerlugu Immikkoortortap piginnaatitaaffeqarnerata ataaniittup, immikkuualuttunik piumasqaateqarnikkut Kalaallit Nunaata Politiivinut nuunneqarsinnaanera pillugu justitsministeri malittarisassanik aalajangersaasinnaasoq.

Tamatumunnga atatillugu siullertut siunnersuutigineqarpoq ilaatigut aalajangersaanissaq, Pinerlunnernut Immikkut Isigisarialinnut Nuna tamakkerlugu Immikkoortortap piginnaatinneqarnerata ataani suliap ilaatinneqartussaagaluartup utertinneqarnissaanut tunngatillugu, sumiiffimmi pissutsinut immikkut ittunut ilisimasaqarnissaq piumasqaatit pingaaruteqartoq.

Aappaatut aalajangersaanissaq siunnersuutigineqarpoq, Kalaallit Nunaata Politiivini suliamik ingerlatsineq naalagaaffeqatigiit iluini sunniuteqarsinnaanera annertuutut isigineqannginnissaa piumasqaataassasoq, tassunga ilagitillugit pisut § 61 h, imm. 3-mi ilaatinneqartut.

Pingajuattut aalajangersaanissaq siunnersuutigineqarpoq, suliamik utertitsinissaq pillugu ataasiartumik isumaqatigiissusiortoqarnissaa piumasqaataassasoq Kalaallit Nunaanni Politiit aamma Immikkut Pinerluuteqarneq pillugu Nuna tamakkerlugu Immikkoortortap akornanni. Uppernarsaateqarnissamut aamma misissuinissamut piumasqaateqarneq tunngavigalugu isumaqatigiissut allakkatigoortuussaaq.

Tamatumani suliaq Kalaallit Nunaata Politiivinut utertinneqarsimappat, aamma piumasqaataavoq, malittarisassat atuuttut malillugit Pinerlunnernut Immikkut Isigisarialinnut Nuna tamakkerlugu Immikkoortortaq kalaallit Nunaata Politiivi sumiiffimmini paasiniaanemik suliaqarnerini ikiorsinnaassagai. Tamatumunnga tunngatillugu oqaaseqaatigineqarpoq, piumasqaataammat Kalaallit Nunaata Politiivi aamma Immikkut

Pinerluuteqarneq pillugu Nuna tamakkerlugu Immikkoortortap sulianik ingerlatsinerani ikiuussinnaanerat, tassani Pinerlunnernut Immikkut Isigisarialinnut Nuna tamakkerlugu Immikkoortortaq piginnaatinneqartuulluni.

Inatsisissatut siunnersuummi oqaaseqaatinut nalinginnaasuni imm. 2.1.3 innersuussutigineqarpoq.

§ 62 i-mut

Danskit eqqartuussisarnermi inatsisaanni § 110 b malillugu suleqatigiinnermik pilersitsisoqarpoq, tassani Danmarkimi aningaasarsianik malunnarunnaarsaasarneq pillugu inatsit naapertorlugu nakkutilliinnermut oqartussa qarfiit kiisalu Danmarkimi akitsuuserinnermut aamma akileraartarnermut pisorta qarfiit peqataallutik.

Inatsisissatut siunnersuummi eqqartuussisarnermi inatsimmi § 1, nr. 2-mi ilaatigut § 62 i-mik nutaamik ikkussinissaq siunnersuutigineqarpoq, danskit eqqartuussisarnermi inatsisaanni § 110 b assinganik, allannguuteqartumik Kalaallit Nunaanni pissutsinut naapertuuttumik.

Siunnersuutigineqartumi § 62 i, imm.1-imi allaqqavooq qanimut suleqatigiinneq, tak. Qallunaat eqqartuussisarnermi inatsisaanni § 110 b, imm. 1, aamma Kalaallit Nunaanni ingerlanneqartoq.

Oqartussa qarfiit, suliffe qarfiit kiisalu inuit suleqatigiinnermut peqataareersuusut danskit eqqartuussisarnermi inatsisaat tunngavigalugu, taamaallutik tamatuma malitsigisaanik qanimut suleqatigiinnermi aningaasarsianik malunnarunnaarsaasarneq allatullu pinerluuteqarnerit Pinerlunnernut Immikkut Isigisarialinnut Nuna tamakkerlugu Immikkoortortap suliassa qarfiit akiorniarlugillu pinngitsoortinniassavaat, Danmark assigalugu . Siunnersuutigineqartumi § 62 i, *imm. 2, 1. imm.*-mi allaqqavooq, Kalaallit Nunaanni nakkutilliinnermut oqartussa qarfiit kiisalu ilanngaaserinnermut aamma akileraartarnermut aqutsiso qarfiit aningaasarsianik malunnarunnaarsaasarneq pillugu inatsit naapertorlugu suleqatigiinnermut peqataanissaat.

Aamma siunnersuutigineqartumi § 62 i, imm. 2, 2. *imm.*-mi allaqqavoq, Pinerlunnernut Immikkut Isigisarialinnut Nuna tamakkerlugu Immikkoortortaq aalajangersinnaasoq, oqartussaqaarfiit allat 1. imm. taaneqanngitsut aamma suliffeqaarfiit aamma inuit aningaasarsianik malunnarunnaarsaasarneq pillugu inatsimmi § 1-imi ilaatinneqartut, suleqatigiinnermut peqataasinnaasut, tak. imm 1.

Tamatumunnga atatillugu piumasqaatigineqarpoq, oqartussaqaarfiup, suliffeqaarfiup imaluunniit inuup pineqartup peqataanera aningaasarsianik malunnarunnaarsaasarneq aamma peqqarniisaarnianernut aningaasalersuisarneq imaluunniit pinerloriaatsit allat pitsaaliorgit imaluunniit akiorlugit sulinnermut pingaaruteqarmat, siunnersuutigineqartoq § 62 i, imm. 8 malillugu aajangersarneqartut.

Eqqartuussisuserisup aamma sullinneqartup, aammalu sullinneqartup inatsisitigit illersugaanerinit tunngatillugu, illuatungeriittut isertuussinissamut tunngaviusut eqqarsaatigalugit, siunnersuutigineqartumi § 62 i, *imm.* 2, 3. *imm.*-mi allaqqavoq, eqqartuussisuserisut, tak. aningaasarsianik malunnarunnaarsaasarneq pillugu inatsimmi § 1, imm. 1, nr. 14, suleqatigiinnermut peqataasinnaangitsut aalajangersakkami imm, 2, 2. imm. apeqqutaatinnagu.

Danskit eqqartuussisarnermi inatsisaanni § 110 b, imm. 2 naapertorlugu § 62 i, imm. 2-mi aalajangersakkatigit suleqatigiinnermut eqaatsumik aqqis-suussineq siunniunneqarpoq, tassani Pinerlunnernut Immikkut Isigisarialinnut Nuna tamakkerlugu Immikkoortortaq suliamut aalajangersimasumut, sumiiffimmut aalajangersimasumut imaluunniit aalerinaatinut nutaanut aammalu aningaasarsianik malunnarunnaarsaanermut aamma peqqarniisaarnianernut aningaasalersuinnermut imaluunniit pinerluutinut allanut tunngatillugu suleqatigiinnermik aalajangersimasumik pilersitsinissaq pillugu aalajangiisinnaalluni, suleqatigiinnermut ilaatinneqartunut tunngatillugu, siunnersuutigineqartoq § 62 i, imm. 8 naapertorlugu. Taamaattumik immikkoortortap naliliinera malillugu peqataasut ataatsimiinnermiit ataatsimiinnermut nikerarsinnaapput. Taamaattumik piumasqaataaangilaq, oqartussaqaarfiup, suliffeqaarfiup imaluunniit inuup pineqartup

nammineertumik suleqatigiinnermut peqataatinneqarnissaa, susassaqarfik oqartussaqaarfimmut, suliffeqaarfimmut imaluunniit inummut attuumassuteqanngippat.

Susassaqaarfimmi malittarisassat erseqqissut isumannaarniarlugit siunnersuutigineqarpoq oqartussaqaarfiit paasissutissanik oqartussaqaarfinnut allanut, suliffeqaarfinnut aamma inunnut ingerlatitseqqiisarnerat pillugu aalajangersakkamik ikkussisoqarnissaa, Kalaallit Nunaannut tunngatillugu aningaasarsianik malunnarunnaarsaasarneq aamma peqqarniisaarnianernut aningaasalersuisarneq imaluunniit pinerloriaatsit allat akiorneqarnerinut atillugu suleqatigiinnermut peqataasunut, siunnersuutigineqartoq § 62 i, imm. 8 malillugu aajangersarneqartut.

Siunnersuutigineqartumi § 62 i, *imm.* 3-mi, allaqqavoq, oqartussaqaarfiit, imm. 1-imi aamma 2-mi taaneqartut, nipangiussisimasussaataaneq inatsisini allani aalajangersarneqartoq apeqqutaatinnagu, oqartussaqaarfinnut, suliffeqaarfinnut imaluunniit inunnut, suleqatigiinnermut peqataasunut paasissutissanik ingerlatitseqqiisinnaanerat, paasissutissat aningaasarsianik malunnarunnaarsaasarneq aamma peqqarniisaarnianernut aningaasalersuisarneq imaluunniit pinerloriaatsit allat akiorneqarnerinut pingaaruteqarsinnaappata, siunnersuutigineqartoq imm. 8 malillugu aajangersarneqartut.

Aalajangersakkap siunnersuutigineqartup malitsigissavaa, Kalaallit Nunaanni oqartussaqaarfiit aammalu naalagaaffiup oqartussaqaarfi, suleqatigiinnermut peqataasut - nipangiussisimasussaataaneq inatsisini allani aalajangersarneqartoq apeqqutaatinnagu, tassunga ilagitillugit Inatsisartut inatsisaat - paasissutissanik avitseqatigiissinnaanerat, tassunga ilagitillugit paasissutissat isertuussat, aningaasarsianik malunnarunnaarsaasarneq aamma peqqarniisaarnianernut aningaasalersuisarneq pitsaaliorniarlugit aamma akiorniarlugit suliassanut pingaaruteqartut. Oqartussaqaarfiit akornanni paasissutissanik avitseqatigiinneq, tak. § 62 i, imm. 3, oqartussaqaarfiit peqataasut tamarmiusut akornanni pisinnaavoq.

Siunnersuutigineqartoq imm. 3 malillugu paasissutissanik ingerlatitseqqineq assersuutigalugu suleqatigiinnermut atatillugu ataatsimiinnerni pisinnaavoq.

Paasissutissaq aningaasarsianik malunnarunnaarsaasarneq aamma peqqarniisaarnianernut aningaasalersuisarneq pitsaaliorniarlugit aamma akiorniarlugit oqartussa qarfiup suliassanut pingaaruteqarnersoq pillugu naliliinissamut ilaatigut tunngaviusinnaavoq, paasissutissap aningaasarsianik malunnarunnaarsaasarneq pillugu inatsimmi § 26 aamma § 28 malilugit nalunaarutiginninnissamut tunngaviusinnaanera, imaluunniit Aningaasanoornermut oqartussa qarfik imluunniit Kalaallit Nunaanni akitsuuserinerimut aamma akileraartarnermut oqartussa qarfiit suleqatiminnangaanniit nalunaarutiginninnermik tigusaqarsimanerat pillugu, assersuutigalugu siulersuisuni ilaasortaq pillugu imaluunniit pisortaq pillugu, aamma allanik suliffeqarfinnik pigisaqartut, aningaasarsianik malunnarunnaarsaasarneq pillugu inatsimmi ilaatinneqartunik, aammalu oqartussa qarfik alla aningaasarsianik malunnarunnaarsaasarneq pillugu inatsimmi aalajangersakkat malillugit nakkutilliisuunerani.

Siunnersuutigineqartoq imm. 3 malillugu, paasissutissanik ingerlatitseqqinerimut piumasaqaataassaaq, paasissutissat aningaasarsianik malunnarunnaarsaasarneq aamma peqqarniisaarnianernut aningaasalersuisarneq imaluunniit pinerloriaatsit allat pitsaaliorniarlugit aamma akiorniarlugit oqartussa qarfiit suliassaannut pingaaruteqarneri imm. 8 malillugu aajangersarneqartutut.

Aalajangersakkatigut nalilerneqarpoq, oqartussa qarfik suleqatigiinnermut peqataappat, taava tamanna tunngavigalugu oqartussa qarfik pineqartoq paasissutissanik tigusisuuvoq attuumassuteqartoq aamma inatsisitigut tunngaveqartoq. Aningaasanoornermut oqartussa qarfik aamma Kalaallit Nunaanni akitsuuserinerimut aamma akileraartarnermut oqartussa qarfik assersuutigalugu paasissutissat oqartussa qarfinnut suleqatigiinnermut peqataasunut namminersuutigalugu ingerlatitseqqinneqarnissaanut tunngavissaqarnersoq nalilersuisussaasariaqanngillat. Taamaalillutik oqartussa qarfiit kisimiillutik nalilersortussaassavaat, paasissutissat aalajangersakkami § 62 i, imm. 3-mi ilaatinneqarnerisut. Suliarinninnermut atatillugu paasissutissanik ingerlatitseqqineq

nipangiussimasussaataitaanermut immikkut ittumut ilaatinneqarnissaa pi-  
umasaqaataassanngilaq, inatsimmik unioqqutitsisoqarsimaneranik pasin-  
ninnermik peqarnissaa, aammalu ilimagineqartariaqartoq ingerlatitseqqiine-  
rup unioqqutitsinermik paasinninnermut pissutaanissaa, imaluunniit  
inatsisitigut allanik aalajangersagaqarnissaa, oqartussaqaqfinnut allanut  
paasissutissanik isertuussanik piniarnissamut tunngaviliisunik.

Suliarinnineq inunnut paasissutissanik Danmarkimiit Kalaalli Nunaannut  
nuussinermik malitseqaraangat, tamanna aamma datanik illersuinnermut  
peqqusummi kapitali V-mi imaluunniit inatsisinik atuutsitsinnermut  
inatsimmi immikkoortoq VII-mi nunanut pingajuusunut nuussisarneq  
pillugu malittarisassanik qimerluuinikkut pisassaaq. Inatsisissatut siunner-  
summi 3.1. imm.-mut innersuussisoqarpoq. Oqartussaqaqfiit aamma  
suliffeqaqfiit toqqakkat aammalu inuit akornanni pitsaasumik suleqatigi-  
inneq isumannaarniarlugu, aqutissiuunneqassaq inatsisitigut tunngavik,  
suliffeqaqfiit aamma inuit aningaasarsianik malunnarunnaarsaasarneq  
pillugu inatsimmi § 1-imi ilaatinneqartut suleqatigiinnermut atatillugu  
paasissutissanik avitseqatigiissinnaanerannik isumannaarisooq.

Tamaattumik § 62 i, *imm.* 4-mi siunnersuutigineqarpoq, suliffeqaqfiit  
aamma inuit aningaasarsianik malunnarunnaarsaasarneq pillugu inatsimmi  
§ 1-imi, suliffeqaqfiit aningaasarsiornermik ingerlataqartut pillugit  
inatsimmi aamma kukkuneruisut naalagaaffimmit akuerisat aamma  
kukkuneruisut nalunaarsorneqartut oqartussaqaqfinnut, suliffeqaqfinnut  
aamma inunnut, suleqatigiinnermut peqataasunut paasissutissanik ingerla-  
titseqqiisinnaasut, tak. siunnersuutigineqartoq § 62 i, *imm.* 1, paasissutissat  
aningaasarsianik malunnarunnaarsaasarneq aamma peqqarniisaarnianernut  
aningaasalersuisarneq aamma pinerloriaatsit allat pitsaaliorniarlugit aamma  
akiorniarlugit suliassamut pingaaruteqarsinnaappata, siunnersuutigi-  
neqartoq *imm.* 8 malillugu aajangersarneqartutut.

Siunnersuutigineqartup malitsigissavaa, suliffeqaqfiit aamma inuit an-  
ingaasarsianik malunnarunnaarsaasarneq aamma peqqarniisaarnianernut  
aningaasalersuisarneq pillugu inatsimmi § 1-imi ilaatinneqartut,  
oqartussaqaqfinnut, suliffeqaqfinnut aamma inunnut suleqatigiinnermut



peqataasunut paasissutissanik ingerlatitseqqiisinnaanerat. Taamaattoq tamatumunnga piumasqaataavoq, paasissutissanik ingerlatitseqqiinerup aningaasarsianik malunnarunnaarsaasarnerup aamma peqqarniisaarniarnerut aningaasalersuisarnerup imaluunniit pinerloriaatsit allat pitsaaliornissaannik imaluunniit akiornissaannik siunertaqarnissaa, siunnersuutigineqartoq imm. 8 malillugu aalajangersarneqartut.

Aamma siunnersuutigineqarpoq § 62 i, *imm.* 5-mi, inuit suleqatigiinnermi peqataasut, tak. imm. 1, pinerluttulerinermik inatsimmi § 50-54 malillugit akisussaaffeqartut paasissutissanik isertuussinissamut pisussaaffeqartut, suleqatigiinnermut atatillugu tiguneqartunik, taamaattoq tak. siunnersuutigineqartoq § 62 i, *imm.* 7.

Paasissutissat tamanut ammasut imaluunniit immini isertuussaangitsut pineqartillugit, siunnersuutigineqartup malitsigissavaa, suleqatigiinnermi peqataasut nipangiussisimasussaataasut, suleqatigiinnermut atatillugu paasissutissanik pineqartunik suliarinnittoqarsimaneranut tunngatillugu.

Aalajangersagaq siunnersuutigineqartoq paasissutissanut tunngatillugu immikkut tunngaveqartumik nipangiussinissamut tunngavissiuuisuuvoq, suleqatigiinnermut atatillugu avitseqatigiissutigisanut, aammalu malitsigallugu, paasissutissat tunngaviusumik ingerlateqqinneqartannginnissaat, taamaattoq tak. siunnersuutigineqartoq § 62 i, *imm.* 7. Aamma tamanna oqartussa qarfinnut atuutissaaq, oqartussa qarfiup nammineq ingerlatsisoqarfiani imaluunniit aaqqissuussaananerani.

Siunnersuutigineqartup aamma malitsigissavaa, aningaasarsianik malunnarunnaarsaasarneq pillugu inatsimmi § 56, *imm.* 3, § 63 *imm.* 3, aamma § 69 *imm.* 3 malillugit tunngaviusumik malittarisassatut ingerlatitseqqiineq pisinnaangitsooq. Nipangiussisimasussaataaneq immikkut ittup ilaatigut malitsigissavaa, pisortat ingerlatsineranni tamat takunnissinnaanerat pillugu inatsimmi § 14 malillugu paasissutissanik taamaattunik takunnissinnaaner-mut pisinnaatitaaffiup killilerneqarnera. Tamatuma saniatigut nipangiussisimasussaataaneq immikkut ittoq malitseqassaaq, paasissutissat siunnersuutigineqartumi § 62 i, *stk.* 5-imi ilaatinneqartut, atornissaannut aamma

ingerlateqqinnissaannut killiliinernik, paasissutissanut nipangiussisimasussaataitanermut nalinginnaasumut ilaatinneqartunut tunngatillugu, tak. pisortat ingerlatsinerat pillugu inatsimmi § 27.

Inatsimmi siunnersuutigineqartumi § 62 i, imm. 5-imi nipangiussisimasussaataitanermut aamma ilaatinneqassapput suliffeqarfiit aamma inuit aningaasarsianik malunnarunnaarsaasarneq pillugu inatsimmi § 1-mi ilaatinneqartut, aningaasarsianik malunnarunnaarsaasarneq aamma peqqarniisaarnianernut aningaasalersuisarneq aamma pinerloriaatsit allat pillugit suleqatigiinnermut peqataasut siunnersuutigineqartoq § 62 i, imm. 8 malillugu aajangersarneqartut.

Nipangiussisimasussaataitanerup malitsigissavaa, suliffeqarfiit aamma inuit suleqatigiinnermut atatillugu paasissutissanik tigusaqartut, paasissutissanik pineqartunik suliarinninneq pillugu nipangiussilluinnarmissamut pi-sussaaffeqassasut. Taamaalilluni nipangiussisimasussaataitanermut ilaatinneqassapput paasissutissanik avitseqatigiinneq aamma atuineq, suleqatigiinnerup ataani aammalu tassunga toqqaannartumik attuumassuteqartumik pisunik. Tamatuma pingaarnertut malitsigissavaa, suliffeqarfiit aamma inuit ataatsimiinnerit avataatigut akunnerminni paasissutissanik avitseqatiginnissinnaannginnerat. Aamma malitsigissavaa, suliffeqarfiup aamma inuup tunngaviusumik paasissutissanik suliffeqarfiup imaluunniit inuup nammineq aqqissuussami imaluunniit ingerlatseqatigiiffissuarmi peqataanermi paasissutissanik avitseqatiginnissinnaannginnera, taamaattoq tak. siunnersuutigineqartoq § 62, imm. 7, 3. imm.

Siunnersuutigineqartup § 62 i *imm. 6*-ip kingunerissavaa, § 62 i, imm. 5-mi nipangiussisimasussaataaneq, aamma inunnut inatsisitigut pisinnaati-taasunut pisussaataitaasunullu, paasissutissani pineqartunut, ingerlatitseqqi-nermut atuunnissaa, inatsit alla naapertorlugu paasissutissat ingerlateqqinnissaannut inatsisitigut pisussaaffeqarsinnaaneq apeqqutaatinnagu, taamaattoq tak. siunnersuutigineqartoq § 62 i, imm. 7. Tamatumani pingaarnertut pineqarput inatsisinik atuutsitsinermut aamma datanik illersuineq pillugu malittarisassat.

Taamaalilluni aalajangersakkap naqissuserpaa, nipangiussisimasussaati-taaneq aamma atuutissasoq inunnut aamma suliffeqarfinnut paasissutissani pineqartunut. Taamaaliornikkut assersuutigalugu pisortat ingerlatsinerat pillugu inatsimmi illuatungeriit takunnissinnaanerit pillugu aalajangersak-kat saneqqunneqarput, tak. § 9, illuatungeriit tusarniaasarnerat pillugu aala-jangersakkat, tak. § 19, aammalu tunngavilersuinissamut pisussaaffik pillugu aalajangersakkat, tak. § 24.

Nipangiussisimasussaati-taaneq pillugu § 62 i, imm. 5-imi aamma 6-imi aalajangersakkat siunnersuutigineqartut aammattaaq malitsigissavaat, inun-nut paasissutissat pillugit inatsimmi §§ 28-mi aamma 29-mi paasissutissi-inissamut pisussaaffik kiisalu § 31 malillugu takunnissinnaanermut pis-innaatitaaffik atuutissanngitsut, paasissutissat oqartussaqaarfiit, suliffeqarfiit aamma inuit suleqatigiinnermut peqataanerminnut atatillugu tigusaat pineqartillugit.

§ 62 i, imm. 3-mi aamma 4-mi aalajangersakkat siunnersuutigineqartut ma-lillugit, inunnut paasissutissanik avitseqatigiinneq datanik illersuineq pillugu peqqussutip atuuffianut ilaatinneqarpat, datanik illersuineq pillugu peqqussummi artikeli 14, imm. 1-imiit 4-mut malillugit paasissutissiini-samut pisussaaffimmuut aamma datanik illersuineq pillugu peqqussummi artikeli 15, imm. 1 malillugu allagaatinik takunnissinnaatitaanermut ta-manna aamma atuutissaaq, tak. imm. 3.2. ataani tamanna pillugu erseqinne-rusut.

Suliarinninnerit taamaattut inatsisinik atuutsitsinermut inatsimmi ilaatinne-qarpata aalajangersakkat malitsigissavaat, inatsisinik atuutsitsinermut inatsimmi § 13-imi paasissutissiinissamut pisussaaffik atuutissanngitsaq, tak. inatsisinik atuutsitsinermut inatsimmi § 14, imm. 1, nr. 2. Taamatuttaaq paasissutissat inatsisinik atuutsitsinermut inatsimmi § 16, tak. § 14, imm. 1, nr. 2, malillugu taamaattut inatsisinik atuutsitsinermut inatsimmi § 15 ma-lillugu allagaatinik takunnissinnaanermiut pisinnaatitaafimmiit mininne-qarsinnaassapput.

Siunnersuutigineqartoq § 62 i, *imm. 7, 1. imm.*, nipangiussisimasussaati-taanermik atuutsitsinnginnermik imaqarpoq siunnersuutigineqartumi § 62 i, *imm. 5-imi* aamma *6-mi*. Aalajangersakkap malitsigivaa, paasissutissat *imm. 5-imi* nipangiussisimasussaati-taanermut ilaatinneqartut, oqartussaqaarfimmit tunniussisuusumit akuersissuteqartoqarnera malillugu, ilanngunneqarsinnaaneri Kalaallit Nunaanni oqartussaqaarfiup tigusisuusup suliarinninnerani. Tamatuma kingorna nipangiussisimasussaati-taanerq aalajangersakkami *imm. 5* aamma *6* malillugit paasissutissanut pineqartunut atuukkunnaassaaq, aammalu paasissutissanik suliarinneqqiineq taarsiullugu malittarisassani nalinginnaasuni ilaatinneqassaaq, oqartussaqaarfimmut tigusisuusumut atuuttunut. Aammattaaq pisortat ingerlatsineranni pisinnaati-taaffinnik saneqqussinerit, nipangiussilluinnarnissamut pisussaaffiup malitsigisaanik, atuukkunnaassapput. Taamalilluni ilaatigut illuatungeriit tusarniaaneri, illuatungeriit allagaatinik takunnissinnaaneri, tunngavil-ersuineri il. il. pillugit malittarisassat pisortat ingerlatsinerat pillugu inatsit kiisalu datanik illersuineq pillugu malittarisassa malillugit paasissutissiinis-samut pisussaaffik aamma takunnissinnaanermut pisinnaatitaaffik atuutis-sapput Kalaallit Nunaanni oqartussaqaarfiit peqataasut paasissutissanik suliareqqiinerini.

Taamatuttaarlu ilaatigut illuatungiliuttut tusarniaasinnaanerat, illuatungeriit takunnissinnaanerat, tunngavilersuisinnaanerat il. il. siunnersuutigi-neqartumi § 62 i, *imm. 7, 2. imm.* malitsigivaat, oqartussaqaarfiit pineqartut assersuutigalugu paasissutissanik ingerlatitseqqiisinnaapput aningaasar-sianik malunnarunnaarsaasarneq pillugu inatsimmi § 56, *imm. 3, § 63, imm. 3*, aamma § 69, *imm. 3* naapertorlugit, tigusisunut ataasiakkaanut tun-ngatillugu nalilersuineq tunuliaqutaralugu, oqartussaqaarfik tunniussisoq tamatumunnga akuersissuteqarsimappat.

Oqartussaqaarfiup tunniussisup aalajangersagaq malillugu akuersissute-qarnera immikkut piumasaaqatitaqaarfiunngilaq. Ilaatigut akuersissut oqaasiinnakkut tunniunneqarsinnaavoq, assersuutigalugu suleqatigiinner-mut atatillugu ataatsimiinnermi, tak. siunnersuutigineqartoq § 62 i *imm. 1*. Tamatuma kingorna oqartussaqaarfiit attuumassuteqartut

akuersissuteqarnermut uppernarsaat pisariaqartinneqartoq isuman-naarsinnaavaat aammalu taassuma annertussusaa, tamanna pillugu suliarin-ninnerminnut atatillugu allattuinnikkut.

Siunnersuutigineqartup § 62 i, imm. 7, 3. *imm.*-p kingunerivaa, siunner-suutigineqartumi § 62 i, imm. 5-mi paasissutissat nipangiussisimasussaati-taanermut ilaatinneqartut oqartussaqaarfimmit paasissutissanik tunni-ussisuusumit akuersissuteqartoqareerneratigut, suliffeqarfiup imaluunniit inuup aningaasarsianik malunnarunnaarsaasarneq aamma peqqarniisaarni-anernut aningaasalersuisarneq aamma pinerloriaatsit allat pitsaaliorglutit aamma akiorlugit sulinerini ilanngunneqarsinnaaneri, siunnersuutigi-neqartoq § 62 i, imm. 8 malillugu aajangersarneqartutut.

Taamaalillutik Kalaallit Nunaanni suliffeqarfiit aamma inuit peqataasut paasissutissat suliffeqarfiup imaluunniit inuit namminneq aaqqis-suusaaanermanni atorsinnaassavaat, aningaasarsianik malunnarunnaar-saasarneq aamma peqqarniisaarnianernut aningaasalersuisarneq pitsaa-liorniarlugit iliuseqarnerup nukittorsarneqarneranut, tassunga ilagitillugit assersuutigalugu sullitat pillugit ilisimasaqarnissamut periutsititigut sakkor-tusisatigut aammalu sullitap nuussinerinik nakkutilliinerup annertusi-neqarneratigut.

Tamatuma saniatigut inatsisissatut siunnersuummi oqaaseqaatinut nalingin-naasunut imm. 2.2.3.4-mut innersuusssisoqarpoq.

Siunnersuutigineqartumi § 62 i, *imm.* 8-mi aamma allaqqavoq, justitsminis-teri suleqatigiinnerup suliart pinerluutinut allanut tunngasut ingerlassin-naagai aningaasarsianik malunnarunnaarsaasarnermut aamma peqqarniisaarnianernut aningaasalersuisarnermut tunngasuunngitsut, piner-luut alla Pinerlunnernut Immikkut Isigisarialinnut Nuna tamakkerlugu Immikkoortortap susassaqaarfiinut ilaatinneqarpat, tak. § 62 h.

Aalajangersakkap isumannaassavaa, suleqatigiinneq, tak. siunnersuutigi-neqartoq § 62 i, imm. 1, aamma allani pisuni atorneqarsinnaasoq, pinerlun-nerit pitsaaliorniarlugit aamma akiorniarlugit sulinerimut

attuumassuteqartunut tunngatillugu, Pinerlunnernut Immikkut Isigisarialinnut Nuna Tamakkerlugu Immikkoortortap susassaqaarfiisa ataaniittut.

Piginnaatinneqarneq pillugu aalajangersakkamik atuinermut aamma pi-umasqaataavoq, ressortministeriumimik imaluunniit naalakker-suisoqarfimmik attuumassuteqartumik oqaloqateqarnissaq pinerloriaatsip siunnersuutigineqartumi § 62 i, imm. 8-mi ilaatinneqarsinnaanera pillugu, tassunga tunngatillugu ministeriap oqartussaqaarfii naatsorsuutigineqarlutik paasissutissatigut ilanngussaqaarnissaat.

Suleqatigiinnermut aqqissuussineq eqaatsoq siunnersuutigineqarpoq, tassani apeqqutaalluni oqaluuserineqartoq peqataasut ataatsimiinnermiit ataatsimiinnermut nikerarsinnaallutik. Taamaaliornikkut piumasqaatigineqarpoq, oqartussaqaarfik imaluunniit nammineertoq pineqartoq suleqatigiinnermut peqataassanngitsoq, susassaqaarfik oqartussaqaarfimmut imaluunniit nammineertumut attuumassuteqanngippat.

Tamatumunnga atatillugu oqaaseqaatigineqarpoq, nammineertut suleqatigiinnermut peqataanerannut piumasqaataasoq, qitiusutut pinerluutigineqartup nuussinermut pineqartumut attuumassuteqarnera.

#### *§ 2-mut*

Siunnersuutigineqarpoq, inatsit atuutilissasoq ulloq [....].